

四川總志卷之二十一

詩一

古詩類

大雅不作新聲代繁詩浸不如古自昔賢概之矣予  
聆蜀音殆有感焉蠶叢四章則商那之遺響也蜀國  
弦巫山高諸篇則樂府之中音也兔樓琴臺蜀都廣  
漢五言之翹楚也錦城峨眉八陣萬景七言之佳境  
也歌則李太白之南京杜少陵之閬水詞則劉賓客  
之竹枝趙松雪之巫峯風風乎瀟瀟乎麗而不淫則  
而不詭咸中雅度孰謂蜀無詩哉自宋迄今作者以  
類而附意黃卷之響世所競珍靈蛇之珠疇不知寶  
顧慚諭諛未彈蒐羅尚賴同志集其大成耳

古雅體

蠶叢國詩四章

古辭

川崖惟平其稼多黍旨酒嘉穀可以養父野維阜丘彼稷多有嘉穀旨酒可以養母

惟月孟春賴祭彼崖永言孝思享祀孔嘉彼黍既潔彼穡惟澤蒸命良辰祖考來格

日月明明亦惟其名不朽難獲誰能長生

惟德實寶富貴何常我思古人令問令望

古樂府

蜀國弦

梁簡文帝

銅絃指斜谷劍道望中區通星上分野作國下為都雅歌因良守妙舞自巴歛陽城嬉樂盛劍騎儻相趨五婦行難

至百兩好遊娛牲祈望帝祀酒酌蜀侯誅江妃納重聘貞女愛將雛停弦時繫瓜息吹治唇朱脫衫湔錦浪回扇避陽烏聞君握節返賤妾下城隅

唐李賀

楓香晚花靜錦水南山影驚石墜猿哀行雲愁半嶺涼月生秋浦玉沙鱗鱗光誰家紅淚客不恐過瞿唐

國朝劉基

胡笳拍斷玄冰結湘靈曲終班竹裂為君更奏蜀國弦一彈一聲飛上天蜀國周遭五千里峨眉迢迢連玉壘岷嶓

出水作大江地春天浮戒南紀舒為五色朝霞暉慘為虎豹樂陰霏翕為千嶂雲雨入虛為百里雷霆飛白鹽雪消

春水滿谷鳥相呼錦城暖巴姬倚歌漢女和楊柳壓橋花

慕慕銅梁翠氣通青蛉碧鷄啼落天上星山都號風寡鷓  
泣杜鵑鳴咽愁幽真高悲羽怒聽未了窮猿三聲巫峽曉  
瞿唐波浪翻九淵倒瀉流泉喧木杪樓頭仲宣羈旅客故  
鄉渺渺音塵隔含悽更聽蜀國音不待天明頭盡白

陳宗虞

西蜀稱天府由來擅山川岷嶓鬱西維井絡輝南天銅梁  
阻斜谷契道界且蘭玄夷啓神后支封肇黃炎仙馭升周  
喬壽考育彭錢武德巴庸勤文化江漢宣往古信擘擘流  
風逾洵洵蔓卿志何烈慈鄉義實殫三貞凜雪霜四雋儼  
旌旃紫闥多軒翥皓素亦盤桓大雅振揚馬高尚標譙嚴  
丙風抗孟宗華圃推王淵瑞應從姜吳英英揚孝廉里忠  
况隆厚歸仁崇讓謙狗監藏得意金笥輸仙騫不啻出

口委心樂才賢三州諒如故士風曾復然君耆長老事  
耿垂青編

蜀道難

梁簡文帝

巫山七百里巴水二回曲笛聲下復高猿啼斷還續

梁劉孝威

玉壘高無極銅梁不可攀雙流逆巘道九坂涇陽關鄧侯  
東馬度王生斂轡還斂轡懼身尤叱馭奉王猷苦恡千金  
重誰爲萬里侯戲馬吞珠界揚舲濯錦流沉犀厭恠水掘  
鏡表靈立禺山金碧有光輝遷亭車馬尚輕肥彌想王褒  
擁節反更憶相如乘傳歸君平子雲聞不嗣江漢英靈信  
已衰

陳陰鏗

王尊奉漢朝靈關不憚遙高岷長有雪陰棧屢經燒輪摧  
九折跼騎阻七星橋蜀道難如此功名詎可要

唐張文宗

梁山鎮地險積石阻雲端深谷下寒廓層巖上鬱盤飛梁  
架絕嶺棧道接危巒攬轡獨長息方知斯路難

李白

噫吁噫危乎高哉蜀道之難難於上青天蠶叢及魚鳥開  
國何茫然爾來四萬八千歲不與秦塞通人煙西當太白  
有鳥道可以橫絕峨眉巔地崩山摧壯士死然後天梯石  
棧相鈎連上有六龍迴日之高標下有逆折衝波之流川  
黃鶴之飛尚不得過猿猴欲度愁攀緣青泥河盤盤百步  
九折縈崑巒捫參歷井仰脅息以手撫心坐長歎問君

遊何當還畏途巉巖不可攀但見悲鳥號古木雄飛呼雌  
遶林間又聞子規啼月落愁空山蜀道之難難於上青天  
使人聽此彫朱顏連峯去天不盈尺枯松倒挂倚絕壁飛  
湍瀑流爭喧豨峻崖轉石萬壑雷其峻也若此嗟爾遠道  
之人胡為乎來哉劔閣崢嶸而崔嵬一夫當關萬夫莫開  
所守或匪人化為狼與豺朝避猛虎夕避長蛇磨牙吮血  
殺人如麻錦城雖云樂不如早還家蜀道之難難於上青  
天側身西望長咨嗟

國朝吳國倫

蜀道五丁關往來銷客魂峽中山作浪天上劔為門  
巫山日日雨鳥道與天通望來魚復浦愁殺永安宮

巫山高

梁元帝

巫山高不窮，迥出荆門中。灘聲下澗石，猿鳴上逐風。樹雜山如畫，一作畫林暗澗疑空。無因謝神女，一爲出房櫳。

齊劉繪

高唐與巫山，參差鬱相望。灼爍在雲間，氛氳出雲霞。一作上散雨收夕臺，行雲卷晨帳。出沒不易期，婢娟似一作惆悵。

齊虞羲

南國多奇山，荆巫獨靈異。雲雨麗以佳，陽臺重怨一作思。思多言在可，一作可再得特羨。若王意高唐，一斷絕光陰不可遲。

梁三秦

迢遙巫山好，一作遠天新霽時。樹交涼去遠，草合影開遲。谷深流響咽，峽近猿聲悲。只言雲雨狀，自有神仙期。

梁范雲

巫山高不極，白日隱光暉。靄靄朝雲去，溟溟暮雨歸。巖巖獸無迹，林暗鳥疑飛。枕席竟誰空，一作薦相望。日一作依依。

陳蕭詮

巫山映巫峽，高高殊未窮。猿聲不辨處，雨色詎分空。懸崖下桂影，一作深澗響松風。別有仙雲起，時向楚王宮。

唐鄭世賢

巫山凌太清，峯巖類削成。霏霏暮雨合，靄靄朝雲生。危峯入鳥道，深谷瀉猿聲。別有幽棲客，淹留攀桂情。

唐盧照隣

巫山望不極，望望下朝氛。莫辨啼猿樹，徒看神女雲。驚濤亂水脉，驟雨暗峯一作峯。文霑裳即此地，况復遠思君。

沈佺期

四川總志卷三十一

巫山峯十二合沓一作環隱昭回俯眺琵琶峽平看雲雨臺  
古槎天外倚瀑水日邊來何忽啼猿夜荆王枕席開

閻立本

君不見巫山高半天起絕壁千尋畫相似君不見巫山  
磕匝翠屏開湘江碧水遶山來綠樹春嬌明月峽紅花朝  
覆白雲臺臺上朝雲無定所此中窈窕神仙女仙女盈盈  
仙骨飛清谷出沒有光輝欲暮高唐行雨送今宵定入荆  
王夢荆王夢裏愛穠華枕席初開紅帳遮可憐欲曉啼猿  
處說道巫山是妾家

喬知之

巫山十二峯參差互隱見潯陽幾千里周覽忽已遍想像  
神女姿摘芳共珍薦楚雲何逶迤紅樹日葱蒨楚雲沒湘

源紅樹斷荆門郢路不可見况復夜聞猿

張九齡

巫山與天近煙景常青煖此中楚王夢夢得神女靈神女  
去已久白雲一作雲雨空冥冥唯有巴猿嘯哀音不可聽

皇甫冉

巫峽見巴東迢迢出半一作半出空雲藏神女館雨到楚王宮  
朝暮泉聲落寒暄樹色同清猿不可聽偏在九秋中

李端

巫山十二峯皆在碧空中回合雲藏日霏微雨帶風猿聲  
寒過間樹色暮連空愁向高唐去清秋見楚宮

李賀

巫山叢碧高插天巴江翻瀾神曳煙楚魂尋夢風颺然曉

風飛雨生苔錢瑤姬一去一千年丁香筇竹啼老猿古祠  
近月蟾桂寒椒花墜紅溼雲間

陳陶

玉峯青雲十一枝金母和雲賜瑤姬花宮磊珂楚宮外列  
仙八面星斗垂秀色無雙怨三峽春風幾夢襄王獵青鸞  
不在嬾吹簫斑竹題詩寄江妾飄飄散絲巴子天苔棠玉  
轡紅霞幡歸時白帝掩青瑣瓊枝瑤草遺湘煙

劉希夷

巫山幽陰地神女艷陽年襄王何容色落日望悠然歸來  
高堂夜金釭焰青煙顏想臥瑤席夢魂何翩翩搖落殊未  
已榮華倏徂遷愁思瀟湘浦悲涼雲夢田猿啼秋風夜鴈  
飛明月天巴歌不可聽聽此益潺湲

羅隱

下墜重泉上千仞香雲結夢西風緊縱有精靈得往不抗  
輒颺軒亦顛隕嵐光雙雙雷隱隱愁爲衣裳恨爲鬢暮灑  
朝行何所之江邊日月情無盡殊零冷露丹墮楓細腰長  
臉愁滿宮人生對面猶異同况在千巖萬壑中

宋范成大

余舊嘗用韓無咎韻題陳季陵巫山圖考宋玉賦意辨  
高唐之事甚詳今過陽臺之下復賦樂府一首世傳瑤  
姬爲西王母女嘗佐禹治水廟中刻在焉

濕雲不收煙雨霏峽船作灘梢廟磯杜鵑無聲後叫斷惟  
有飢鴉迎客飛西真功高佐禹跡斧鑿鱗皴倚天壁上有  
瑤簪十二尖下有黃湍三百尺蔓花蚪木風煙昏薜蘿翠

表

惟香火寒靈旂飄忽定何許時有行人開廟門楚客詞章  
元是諷紛紛餘子空嘲弄五色頰顏不可干人間錯說高  
唐夢

范成大

疑真宮前十二峯兩峯娟妙翠挿空餘峯競秀尚多有白  
壁蒼崖無數重秋江漱石半山腹倚天削鐵荒行蹤造化  
鍾竒真瑤巖真靈擇勝深珠宮朝雲未罷暮雲起陰晴竟  
日長真濛瑤姬作意送歸客一夜收繚仍回風仰看館御  
飛檝過回首已在虛無中惟餘烏鴉作使者迎船送船西  
復東

國朝黃佐

巫山高高若何淮水迷之不可以過驛驄入馬錦障泥我  
欲渡之徘徊而驕嘶陽臺有女居迷樓愛而不見烟雲愁  
冑有幾虱戶有蚍蜉嗟我行役今還歸

喬世寧

巫山高高以寒不到巫山不見山長江百丈走其下上峯  
十二摩青天况有灩澦當中間巫山高高以寒朝能作雲  
暮作雨山精月魅向人語洪濤欲沒灩澦堆哀猿接挂枕  
柳樹有時狂飈突起浪如山蛟鬪龍吟更咤汝往歲曾悲  
蜀道難今見巫山心歎苦欲濟無梁飛無羽嗟我胡爲賦  
遠遊巫山巫山能久留

吳國倫

巫山高天與際江水滌曷以濟我欲東歸將從此逝塗無  
梁舟無楫泱泱潏潏臨水遠望涕下沾裳久客之人心思



鄉謂之何

郭莊

巫峽之山崔嵬兮干雲並吐芙蓉巔十二峯巒竦秀兮  
 如鳴環簪玉闕婢娟當時章華臺上兮細腰落雪曳翩跹  
 吁嗟哉襄王何事神遊華胥天自從高唐精靈感夢憐山  
 中芳樹琪花兮笑日披霞弄粉鉛十二峯巒低昂異態兮  
 纍纍猶作望夫篇又若亭亭艷影照寒泉巫峽之山崔嵬  
 兮只今人去千年陵谷遷巴流東逝恨綿綿但見千巖萬  
 壑蒼蒼兮朝夕雲霧濛濛連苦竹叢中飛杜鵑年年春風  
 叫破桃花烟崔嵬兮巫峽之山歎高唐遺跡何年惟有古  
 今騷客兮寫江山文藻流傳琅琅兮巫山篇吁嗟哉千載  
 王孫作地僊夔志載巫山高十餘里惟李長吉十香節竹  
 帝老後數句在唐人惟長吉能為之賀唐諸

王孫世謂太白天  
 仙長吉鬼仙故云

黎民表

巫山高不極遠望何芊芊靈林構鬱律神宇闕冲玄曳雲  
 翳白日興雨蒙層巔平瞻景夷館俯瞰雲夢田芳春展遊  
 豫弭節此山前精靈爾何感魂夢屢徂遷晨鷄奏天色環  
 珮聲鏘然空山曠延佇掩涕方來旋人神道終異歡愛難  
 久延荒遙古有戒茲樂誠已偏惟有高唐賦千載凌雲烟

魏裳

巫山倚天外地險控荆門鳥道青蘿暗猿聲落日繁陰晴  
 下壑變雲雨二儀昏寂寞高唐夢空傳宋玉言

陳宗虞

巫山高高不極上凌青天闕白日下控絕峽三千尺有清

冷之淵無數蟠蛟螭汎濤奔湍駛以悍急又有虎牙齒齒  
承其下流灑瀕隅隅當其上游嗟遠道之人三朝三暮愴  
矣鬱憂飛鳥不得度舍舟卽陸抑何阻脩彼拔劍挽弓之  
子不可求吁嗟真宰何悠悠

五言古

登成都白兔樓

晉張載

重城結曲阿飛宇起層樓累棟出雲表峴嶽臨太虛高軒  
啓朱扉迴望暢八隅西瞻岷山嶺峩峩似荆巫躡鷓蔽地  
生原隰殖嘉蔬雖遇老湯世民食恒有餘鬱鬱小城中及  
岷百族居街街紛綺錯高臺夾長衢借問揚子舍相見長  
鄉廬程卓累千金驕奢擬五侯門有連騎容翠帶腰吳鈞  
踞食隨時進百和妙且殊披林採秋橘臨江釣春魚黑子

過龍醢果饌踰蟹蟾芳茶冠六清溢味播九區人生若  
樂茲土聊可娛

登琴臺

梁簡文帝

蕪階踐昔徑復想鳴琴游音容萬春罷高名千載留弱枝  
生古樹舊石染新流由來遙相嘆逝川終不收

蜀四賢詠

宋鮑照

渤渚水洽鳥春山玉抵鵲皇漢方盛明群龍滿階閣君平  
因世閑得還守寂寞閑簾注道德開卦述天爵相如達生  
旨能屯復能躍陵令無人事毫墨時灑落袋氣有逸倫雅  
績信炳博如今聖納賢金璫易羈絡良遮神明遊豈伊  
思作玄經不期賞蟲篆憂散樂首路或參差投駕均遠托  
身表旣非我生涯內一作甚豐薄

賦得蜀都

唐褚亮

列宿光輿井分上跨梁岷沉犀對江浦駟馬入城闈英圖  
多霸跡歷選有名臣連騎簪纓滿含章詞賦新得上襮  
路無待訪嚴遵

廣溪峽

楊炯

廣溪三峽首曠望蕪川陸山路迷羊腸江心鎮魚復喬枝  
百丈偃飛水下尋瀑驚浪迴高天盤渦轉深谷漢氏昔云  
季中原爭逐鹿天下有英雄襄陽有龍伏常山集軍旅求  
安興板築池臺忽有傾邦家遽淪覆庸才若劉裨忠佐爲  
心腹設險猶可存當無賈生哭

蜀城懷古

劉希夷

蜀上遶水竹吳大積風霜窮覽通表裏氣色何蒼蒼舊國  
有年代青樓思豔粧古人無歲月白骨宜丘荒寂歷彈琴  
地幽流讀書堂玄龜埋卜室采鳳滅詞場陣圖一一在栢  
樹雙雙行鬼神清漢廟烏雀叅秦倉歎世已多感懷心益  
自傷賴蒙靈丘境時當明月光

白帝懷古

陳子昂

日落滄江晚停橈問土風城臨巴子國臺沒漢王宮荒服  
猶周甸深山尚禹功巖懸青壁斷地險碧流通古木生雲  
際歸帆出霧中川途去無恨客坐思何窮

登錦城散花樓

李白

日照錦城頭朝光散花樓金牕夾繡戶珠箔懸瓊鈎飛梁  
綠雲中極目散我憂一作愁暮雨向三峽春江繞雙流今來  
一登望如上九天遊

宿巫山

李白

昨夜巫山下，猿聲夢裏長。桃花飛綠水，三月下瞿塘。雨色風吹去，南行拂楚王。高丘懷宋玉，訪古一嚔裳。

荆門浮舟望蜀江

李白

春水月峽來，浮舟望安極。正見桃花流，依然錦江色。江色深且明，茫茫與天平。逶迤巴山盡，遙曳楚雲行。雪照聚沙，鴈花飛出谷。鸞芳洲，却已轉碧樹。森森迎流目，浦煙夕易。帆海月生江，陵識遙火，應到渚宮城。

巴州

李白

巴水急如箭，巴船去若飛。十月二千里，卽行幾歲歸。

登峩眉山

李白

蜀國多仙山，峨眉逾難匹。周流試登覽，絕在安可息。青冥倚天闕，彩錯疑畫出。冷然紫霞賞，杲得錦囊術。雲間吟瓊簫，石上弄寶瑟。平生有微尚，歡笑自此畢。烟容如在顏，塵累忽相失。倘逢騎羊子，携手凌白日。

自巴東舟行經瞿唐峽登巫山最高峯晚還題壁

李白

江行幾千里，海月十五圓。始經瞿唐峽，遂步巫山巔。巫山高不窮，巴國盡所歷。日邊攀垂蘿，霞外倚窮石。飛步凌絕頂，極目無纖烟。却顧失丹壑，仰觀臨青天。青天若可捫，銀漢去安在。望雲知蒼梧，記水辨瀛海。周遊孤光晚，歷覽幽意多。積雪照空谷，悲風鳴森柯。歸途行欲曠，佳趣尚未歇。江草早啼猿，松暝已吐月。月色何悠悠，清猿響啾啾。亂山不忍聽，揮策還孤舟。

天池

天池馬不到嵐壁鳥纔通百頃青雲杪曾波白石中鬱紆  
騰秀氣簫瑟浸寒空直對巫山出兼疑夏禹功魚龍開闢  
有菱茨古今同聞道奔雷黑初看浴日紅飄零神女雨斷  
續楚王風欲問支機石如臨獻寶宮九秋驚鴈序萬里狎  
漁翁更是無人處誅勞任薄躬

杜甫

陳拾遺故宅

拾遺平昔居大屋尚修椽悠揚荒山日慘澹故園煙位下  
曷足傷所貴者聖賢有才繼騷雅哲匠不比有公生楊馬  
後名與日月懸同遊英俊人多秉輔佐權彥昭超玉價耶  
振起通泉到今素壁滑灑翰銀鈎連盛事會一時此堂豈  
千年終古立忠義感遇有遺編

杜甫

飛仙閣

土門山行窄微徑緣秋壕棧雲闌干峻梯石結構牢萬壑  
歌疎林積陰帶奔濤寒日外淡泊長風中怒號歇鞍在地  
底始覺所歷高往來雜坐臥人馬同疲勞浮生有定分饑  
飽豈可逃歎息謂妻子我何隨汝曹

杜甫

桔柏渡

青冥寒江渡駕竹為長橋竿濕煙漠漠江水風蕭蕭連策  
動婀娜征衣颯颯急流鵝鷓散絕岸鼉鼉驕西轅自茲  
異東遊不可要高通荆門路濶會滄海潮孤光隱顧眇遊  
子悵寂寞無以洗心胸前登但山椒

杜甫

成都府

翳翳桑榆日照我征衣裳我行山川異忽在天一方但逢

杜甫

新人民未卜見故鄉大江東流去遊子去日長曾城墳墓  
屋季冬樹木蒼喧然名都會吹簫聞笙簧信美無與適側  
身望川梁鳥雀夜各歸中原杳茫茫初月出不高衆星尚  
爭光自古有羈旅我何苦哀傷

曉行巴峽

王維

際曉接巴峽餘春憶帝京晴江一女浣朝日衆鷄鳴水國  
舟中市山橋樹杪行登高萬井出眺迥一流明人作殊方  
語鷺爲舊國聲賴多山水趣稍解別離情

同群公秋登琴臺

高適

占跡使人感琴臺空寂寥靜然顧遺塵千載如昨朝臨眺  
自茲始群賢久相邀德與形神高孰知天地遙四時何倏  
忽六月鳴秋蜩萬象歸白帝平川橫赤霄猶是對

石何所度未能翦強暴爭先謀剽掠良民生計空賒死心  
殞護四野構豺狼五畝孰耕鑿出師不以律餘孽何由却  
俾夫熾蜂蠆寡術能籠絡邊陲未肅清胡顏食天爵世方  
尚奔競誰復振譽謬黃屋遠萬里九重高寥廓時稱多英  
雄才豈無衛霍近聞命良臣拭目觀奇略

八陣墳

蘇軾

平沙何茫茫髮髯見石蘊縱橫滿江上歲歲沙水齧孔明  
死已久誰復辨行列神明非學到自古不留訣至人心已  
悟後世徒妄說自從漢道衰鋒起盡姦傑英雄不相下禍  
難久連結驅民市無煙戰野江流血萬人賭一擲殺盡如  
沃雪不爲久遠計草草常無法孔明最後起意欲掃群孽  
崎嶇事節制隱忍久不決志大遂成迂歲月去如瞥六師

紛未整一日英氣折唯餘八陣圖千占壯夔峽

蘇轍

漲江吹八陣江落陣如故我來苦寒後平沙如匹素乘高  
望遺迹磊磊六十四遙指如布碁就視不知處世稱諸葛  
公用衆有法度區區落褒斜軍旅無濶步中原竟不到置  
陣狹無所茫茫平沙中積石排隊伍獨使後世人知我非  
莽鹵柰何長蛇形千古竟不悟惟餘桓元子以視不能去

八峽

蘇軾

自昔懷清賞今茲得縱探長江連楚蜀萬派瀉東南合水  
來如雷潑波綠似藍餘流細不數遠勢競相參入峽初無  
路連山忽似龕縈紆收浩渺蹙縮作淵潭風過如呼吸雲  
生似吐含墜崖鳴宰宰垂蔓綠慘慘冷翠多崖竹孤生有

石楠飛泉飄亂雪恠石走驚驂絕澗知深淺樵僮忽兩三  
人煙偶逢郭沙岸可乘籃野戍荒州縣邦君古子男放衙  
鳴曉鼓留客薦霜柑聞道黃精草叢生綠玉簪盡應充食  
飲不見有彭聃氣候冬猶暖星河夜半溼遺民悲相衍舊  
俗接魚蠶版屋漫無瓦巖居窄似庵代薪常冒險得米不  
盈甌歎息生何陋劬勞不自慙葉舟輕遠泝大浪固無諳  
矍鑠空相視嘔啞莫與談蠻荒安可駐幽邃信難姚獨愛  
孤棲鷓高超百尺嵐橫飛應自得遠颺似無貪振翮遊霄  
漢無心顧雀鷁塵勞世方病局束我何堪盡解林泉好多  
爲富貴酣試看飛鳥樂高道此心甘

蘇轍

舟行瞿唐口兩耳風鳴號渺然長江水千里沒一瓢峽門

石爲戶鬱怒水力驕扁舟落中流浩如一葉飄呼吸信奔  
浪不復由長篙挾拖破漬旋畏與亂石遭兩山蹙相值望  
之不容舳漸近乃可入白鹽最雄高草木皆倒生哀叫悲  
玄孫白雲繚長岫零露如飛毛緬懷泮水年慘癸病有光  
禹益尖岷水屢與山鬼麤摧崗轉大石破地疏洪濤變  
當道山斬截肩尾銷峭壁下絕趾連峯斷脩署破處不生草  
上不掛鳥巢水恠不盡戮下有龍與鼈遼哉千萬年禹死  
遺迹牢豈必見河洛開峽斯已勞

謁白帝廟

張俞

孤山扞江口上有白帝祠橫視天下險萬流皆俯窺古殿  
鎖神物悲風出陰帷天昏瓦棟折狐鼠亦生威優巫日鼓  
舞鬼恠爭奔馳雷霆卷蛟窟電火燒松枝入戶精魄動有

如陰兵隨吁哉漢盜亂海內遂崩離亦龍始潛躍逐鹿過  
秦時公孫奮神劍定蜀圖安危隴坻開北戶荆門啓東陲  
長驅百萬衆日闔天下師羣豪挿羽翼與漢爭雄雌兩帝  
不竝立興亡良可悲天運雖有在聖賢豈無爲昭皇橫英  
傑襲軌奄重基風雲共浩蕩千古餘山寒碑威神竟不沒萬  
里震南夷

過府學遂謁文公堂

俞汝礪

綠荻負幽隱高槐泛輕涼各姦一時好披風互低昂詎知  
五月中微陰颺催黃我行魯侯宮獨謁文翁堂若人骨已  
朽道在斯不亡遂令蜀文章照曜日月傍世事俱腐臭斯  
文真久長靡顏能幾時蕭條翳墟荒富貴豈不好千載同  
一傷三歎過泮宮撫已涕自滂



謁諸葛廟

喻汝礪

孤雲何其高，明月不可繫。灼灼抱此心，與世自涇渭。釋來從所歡，感亂亦歔歔。咨惟今之人，竊國未云耻。恥首入吾市，秋風恐燕水。區區表與曹，等是刺客耳。而我於其間，秉義不敢墜。哀音回衡聽，清義動幽邃。天心固難亮，吾獨信所履。溶溶日間雲，漠漠點砌砌。饑餓墮蒼瓦，澹薄公所憇。靜然相英姿，孤懷亦差慰。

子雲墨池

喻汝礪

讀書豈不好，憂憤還自茲。書中見古人，隱閔惻愚思。遇險理有激，尋分意多隨。娟娟感姱容，戚戚念幽棲。曾是無聞然，孰為愜所宜。覽之不自聊，悵焉起遙悲。不如撥置之，濁酒聊一持。先生煩多事，斯心昧前知。亦復坐奇字，憐成

晚泛浣花遂宿草堂

喻汝礪

扣撓泛澄虛，濯流睇幽芳。晚霏襯其樹，夕霏媚狹篁。歸鳥亦雙閑，夜魄動初涼。忽焉衆星微，天高月舒光。昔也杜陵子，澹然此茅堂。客至酒自斟，句得意已亡。云何常念饑，零落在道旁。古來技入神，一飯豈所望。吾輩天所歸，慨歌浹露棠。

朱真人祠

楊甲

一濯巖下溪，再拜巖中亭。清風蕭然來，吹我衣上腥。仙人芙蓉冠，乘月下雲耕。山空雜佩響，靜夜朝百靈。似聞客欲去，小語猶丁寧。蕭蕭上松栢，急似兩耳聽。寂寞古壇外，但掛斗與星。天明恐是夢，恍惚遺心形。去飲石上水，再讀幽人銘。青山無行迹，霧雨松冥冥。

遊滄浪亭

揚甲

霧田林蒼黃漲落水寒若西郊好風景晚霽千里色相從  
二三子掃洒溪上石主人亦愛客沽酒洗玉粒年荒酒味  
薄相勸取吻濕同光與共景弄此竹間日云云憂端來落  
落險語出穿機誰復設飢餓各自通跳波醉中舞野唱寒  
外急牛羊歸匆匆鳧來一一獨行豈不好酒盡歸亦得  
類然寄疎放未愛世褊迫求懷堂中翁回首千歲跡豈無  
獨坐願冉冉飢凍逼霜空洞庭野天闊雲夢澤欲窮扶桑  
技尚掛滄海席何當從今去一夜生羽翼

海棠軒

章棗

珍葩寄幽島正對孤軒植優柔自俯仰紅綠若組織春酣  
晴日曛坐久濃香逼池面淨可監朝霞罩澄碧

蜀西湖

范成大

閑隨渠水來偶到湖光裏仍呼水月舟徑度雲錦地誰不  
云解飲我已荷香醉湖陰玉蟬娟曼立紅粧外何須東閣  
梅悠然自詩思驚風入午暑水竹有秋意采菱不盈掬興  
與尊鱸會遙知新津宿魂夢亦清麗

萬州

自此後登陸州隴南浦群

范成大

晨炊維下巖晚酌擗南浦波心照州榜雲腳響衙鼓前山  
如屏墻得得正當戶西江朝宗來循屏復東去此萬州官  
曹倚巖樓市井喚船渡尾塋父石磴倏帶關人語剔核杏  
餘酸連枝茶賸苦窮鄉固瘠薄陋俗亦寒窶土人賣杏皆  
之以為藥也土茶甚苦不節技葉雜菜更煎之營營謀食艱寂寂懷軼訴昔聞使  
隱名今識吏隱處

中巖

台石州一  
巖石病  
樓觀前  
鐫峰其  
傳馬湯  
鹿耶

赤巖倚玲塢翠灘森成削岑蔚嵐氣重梯間暑光薄聊尋

大士處往扣洞門鑰雙撐紫玉關中矗翠雲幄應供華藏

海歸坐寶樓閣無法可示人但見兩花落不知龍湫勝何

似魚潭樂夜深山四來人靜天一握驚看盃桂白月影到

林壑門前六月江世界塵漠漠寶餅有甘露一滴洗煩濁

捫天援斗杓請為諸君酌

鈍庵

王灼

俗子如錐利達士如椎鈍乘除付造物多智反自困君看

庵中翁漫浪出方寸卧聽松聲老行觸蘭芳嫩謀身固未

快事過了無恨今人豈辨此勸翁慎勿論

彌牟鎮八陣圖詩

王剛中

我稽八陣圖規模載方冊竭來鎮西蜀夔門觀壘石賦詩

百數字字究來歷進涉漢川西彌牟鎮之北平原列堆

阜灘石同一式細思作者意孔明有深策高岸或為谷難

石存遺跡江海變桑田平原猶可覓故今兩處存千載必

一得再歌遂成篇應有智者識

蜀城戰後感事

王剛中

蜀國英靈地山重水又回文章四子盛道路五丁開詞客

題橋去忠臣叱馭來卧龍同駭浪躍馬叱浮埃已與無妖

土那知有禍胎蕃兵依漢柳蠻旆指江梅戰後悲逢血燒

餘更見灰空留犀厭恠無復酒除尖歲積養弘怨春深杜  
宇哀家貧移未得愁上望鄉臺

吊曹將軍友聞

安如山 廣漢人

將軍精悍姿齒齒碎鐵石在昔童稚間但聞飽經術縱橫  
騁柔翰丹矚間金碧有司塞明詔幣色屈詞伯芹香春水  
生冠王侍重席脫落章句陋搜扶窮理窟未及文化成其  
如王土窳丈夫報主願豈必蒙清秩蒼然請去位滿面秋  
漂冽糾合熊虎群旌旆揚廣陌正當磨礪間一鼓拔勍敵  
屯兵沔水源千載斧截截浩蕩排煙旻西極安岷嶮柰何  
國無人腐儒秉旄鉞賞予入私門金湯授盜賊公時奮臂  
爭逐遭獻玉刑三軍視馬首痛哭天下壁功成坐齟齬憤  
怒須挿戟中宵按劍起肅肅整羽翮吐氣風雲生塞

聖列貫穿死生地喋血天地黑勢雖衆寡懸形未雌雄  
路窮斷首尾衆盡仍手格豈知龍虎逝黯淡山川色百萬  
尚震驚嗚呼死諸葛長城但自壞千古痛稠結肉食無遠  
謀野史有直筆酒酣歌節士晶晶霜日白

挽四川制置使知重慶府張珩

此宋末十

劉璣

坤維拓提封形勝古天府血戰五十秋零落餘八柱江南  
傳箭急誰暇此回顧落日古渝城秋鉞乃甚武天東旣雖  
墮吾自強支柱渡瀘躬討逆歸來戰彌苦蕭條下夔門機  
穿伏中路咄咄快敵仇誰與掩坏上哀哉關西雄國亡猶  
不負同時督軍將腰金挿雙虎

送楊升庵客還滇南

明余承業

子雲辭天祿南走哀牢鄉稽首謝闔閭啣恩不敢忘策馬達天津

張帆度飛梁孤劍伴衾枕洞庭與瀟湘鵬賦揮賈涕鳳歌激楚狂  
幽蘭被九畹采采不盈筐五月冒瘴氣異哉驅逐強問俗邁梓柯  
至止滇之陽丹木麗繁輝山海搖晴光復有好奇士掘衣來門墻  
濯泉選碧玉鑿雪搜點蒼城飛花霧煖寺入松風涼飯兒買海貝  
宴客傳棋柳可惜昆明旅可憐詞林望嗟跼成白首艱苦斷柔腸  
金鷄豈可赦奈何數乃妨暫以奉戎役趨過桑梓傍青塚咽烏號  
荆樹悲鴻翔萬物遂施化窮旻胡茫茫夙夜懷徃義秉燭理行裝  
邂逅青衣浦勸進紫霞觴歷歷歲月馳悠悠道路長袂連意俱愜  
鬢改情各傷抱憂予局促戒遠君徬徨徬徨聽我歌浮生焉用忙潮州  
非翹翹白也流夜郎折木感姬旦撫髀思馮唐神劍有時合良璧  
豈終藏騏驥食弗飽茶蕙性本芳詹尹不能卜顏壽彭乃殤天運  
詎如此窮達未可量努力崇令德萬禩仰文章養雞學鳳鳴挾飛

南軒書院

周滿

古道遶皇初斯文蕩秦燔麟經嘒式微鳳德悵哀騫晰晰  
靈曜隱炯炯羅星繁道岸空浩渺安能泝其源夫子妙玄  
契神悟超天元遠宗羲孔庭近扣瀛洛門義利洞真知洙  
泗究仁言亢志激頽波沉心觀化源宣幽嗣遐軌迪訓昭  
師存希賢速同侶日夕事討論軒明宿奎緯地勝迴崑崙  
翔翥鳳鸞追環合龍虎蹲躡步春風橋濯纓泝水壘池芹  
毛懿采垣桂籍芳根聖緒倘有獲長揖謝塵喧

盪平九絲城因寄諸將

魯省吾

蠶叢立國後九絲胃南隈不遠邦域中四塞鬱崔嵬諸葛  
散青羗千載滋根荻孤兔亂縱橫構此大邑灾屠毒日已  
甚况乃炊嬰孩屢征阻且艱遺黎良可哀

聖人纘皇緒英武震八垓持衡由廟勝指縱自天來一騎走雷  
霆萬壘成塵灰上古所不臣于今風氣開群賢盡匪躬胡  
堅不可摧孟夏迨季秋成功亦奇哉試觀元元情寧異登  
春臺 國家養猛士果稱驃姚材更圖久營屯方可答涓  
埃所急正經界慎勿貽禍胎厥田乃上上得地非蒿萊以  
耕而易戰金城當見推漢土匝羅居積漸同栽培扼吭拊  
其背設險勿復猜誦 命為郡縣夷風庶可回

膺月廿日宿慶符山館感興 曾省吾

風雨住山城端居百念并鷄衣肩不息鳥道骨常驚轉徙  
雖初定瘡痍豈遽平竟當餘孽剪還念小鮮烹後至罪無  
赦先零也未耕諸方多瘴厲列道久經營將似愁顏改吾  
偏白髮生安常非易事從此慎談兵

七言古

觀元丹丘坐巫山屏風

李白

昔遊三峽見巫山見畫巫山宛相似疑是天邊十二峯飛  
入君家綵屏裏寒松蕭颯如有聲陽臺微茫如有情錦衾  
瑤席何寂寂楚王神女何盈盈盈盈咫尺如千里翠屏丹  
崖粲如綺蒼蒼遠樹圍棘門歷歷行舟泛巴水水石潺湲  
萬壑分烟光草色俱氤氛溪花笑日何年發江客聽猿幾  
歲聞使人對此心緬邈疑入萬丘夢綵雲

秋風二首

杜甫

秋風淅淅吹巫山上牢下牢修水關吳檣楚柂牽百丈暖  
向神都寒未還要路何日罷長戟戰自青羗連白蠻中巴  
不得消息好暝傳戍鼓長雲間

秋風淅淅吹我衣東流之外西日微天清小城擣練急石  
占細路行人稀不知明月爲誰好早晚孤帆他夜歸會將  
白髮倚庭樹故園池臺今是非

引水

杜甫

月峽瞿塘雲作頂亂石崢嶸俗無井雲安涪水奴僕悲魚  
復移居心力省白帝城西萬竹蟠接筒引水喉不乾人生  
留滯生理難斗水何直百憂寬

人日寄杜二拾遺

高適

人日題詩寄草堂遙憐故人思故鄉柳條弄色不忍見

松滿枝空斷腸身在南蕃無所預心懷百憂復千慮今年  
人日空相憶明年人日知何處一臥東山三十春豈知書  
劍老風塵龍鍾還忝二千石愧爾東西南北人

武侯祠

陳薦

建安綱紀如綫微高光基紫春水危姦豪拔劍將群盜駭  
龍控虎爭雄雌武侯當日卧南陽韜稜晦角陰營爲高吟  
梁甫比管樂宵中造化無人知東吳北魏至強大不肯逆  
德爲其師先主歎聞元直語三往咨求當世且勤勤陳說  
扶漢室慷慨感義許驅馳一說孫權敗曹操劉氏遂肇中  
興基申明號令鼓雷電勗勵士卒犂蛟螭分留猛將控荆  
渚翼載昭烈來坤維獻皇邁害首勸進應天嗣位闢群疑  
本謀憑藉蜀富庶養威用作并吞資大勳未集昭烈崩遵

守顧命如周姬均平賞罰重恩信比屋道化皆熙熙七擒孟獲  
 除後患至今南語崇靈祠今諸蠻祠皆東征直據五丈原  
 歆復咸鎬綏華夷上成先帝創業意下副四海蒼生思推  
 忠仗順氣百倍俯視敵衆真嬰兒流星落帳芒角惡暴然  
 不起軍如癡仲達雖走禪終虜人謀不可遠天特精鬼埋  
 沒已千歲奈無英傑齊高規胡方男子過廟下秋天寥落  
 霜風悲林梢脫葉嚮颼颼煙頭暮雨寒絲絲妖狐怪兔穴  
 壞壁飢鳩餓鵲啼枯枝樵兒敲斲段尹石苔蘚爛斑裴相  
 碑手植勁栢尚蒼翠疑有神靈潛護持眸容昏剝堂廡陋  
 龍祠神廟窮跡奇吾心切切慕風緊灑淚踟躕成此詩

月夜船行入資州

范祖禹

憶昨卧瑯山蒼蒼叢桂間白雲爲屏石爲枕綠蘿長掛明

月閑忽乘輕舟泛江水山月隨人還在此白鷺驚飛宿露  
 間青山倒臥蒼波底此時孤棹發中流川石停波聽棹謳  
 不學子猷中夜返欲乘明月向資州

嚴顏碑在忠州

蘇轍

古碑殘缺不可讀遠人愛惜未忍磨相傳昔者嚴太守刻  
 石千歲字已訛嚴顏平生吾不記獨憶威破節最高被擒  
 不辱古亦有吾愛善折張飛豪軍中生死何足恠乘勝使  
 氣可若何斫頭徐死子無怒我豈畏死如見曹匹夫受戮  
 或不避所重壯氣吞黃河臨危閑暇有如此覽碑慷慨思  
 橫戈

灩澦堆

江中石屏灩澦堆鼉靈夏禹不能摧深根百丈無敢近落



日紛紛息馬來何人磊落不畏死爲我赤脚登崔嵬上有  
古碑刻奇篆當使盡讀磨蒼苔此碑若見必有怪恐至絕  
頂遭風雷

巫山廟

蘇轍

山中廟堂古神女楚巫婆娑奏歌舞空山日落悲風吹舉  
手睚眦道神語神仙潔清非世人瓦釜傾醪薦麋脯子知  
神君竟何自西方真人古王母飄然乘風遊九州謁渡西  
海薄中土白雲爲車駕蒼虬驂乘湘君宓妃御天孫織綃  
素非素衣裳飄飄薄煙霧泊然冲虛眇無營朝餐屑玉燕  
羹乳下視人世安可據超江乘山去無所巫山之下江流  
清偶然愛之不能去湍崖激作相喧逐白花翻翻龍正怒  
兇使大禹導九州石噴山墜幾折股山前恐懼久無措稽

首山下苦求助丹書玉笈世莫窺指示文字相爾汝擘山  
洩江幸無苦康辰雲與余實相禹功成事定世莫知空山俄  
頃千萬古廟中擊鼓吹長簫採蘭爲殮蕙爲肴玉缶薦芟  
香飄蕭龍勺取酒注白茅神來享之風飄飄荒山長江何  
所有豈有瓊玉薦泐寥神君聰明無我責爲我驅獸攘能  
蛟乘舡入楚汭巴蜀濱旋深惡秋水高歸來無恙無以報  
山上麥熟可作醪神君尊貴豈待我再拜長跪神所勞

白帝城

宋肇

江雨霏霏白帝城秋草未枯春草生古來戰壘如雲橫萬  
里瞿唐斷人行至今三峽路崢嶸時清不見更屯兵荒涼  
廢堞沒春耕但見牛羊日西平

萬景樓

在漢嘉城中山上登覽勝絕殆冠西州子  
令畫工作圖以歸山谷來游時但有安樂

園未有  
此樓也

陸游

左披九頂雲右送大峨月殘山剩水不知數一一當樓供  
勝絕玻璃濯錦遙相通指揮大渡來朝宗川靈晉命各東  
去我亦順流呼短蓬詩無傑語漸風物賴有丹青傳小筆  
仍添書客倚欄看今與山川相映發龍鸞歸路遶烏尤棟  
雲簾兩邀人留若為喚得涪翁起題作西南第一樓

芳華樓賞梅

陸游

素娥竊藥不奔月化作江梅寄幽絕天工丹粉不敢施雪  
洗風吹見真色出籬藏塢香細細臨水隔煙情脉脉一春  
花信二十四縱有此香無此格放翁年來百事惰惟見梅  
花愁欲破金壺列置春滿屋寶髻斜簪光照坐百榼淋漓  
玉掌飛萬人辟易銀鞍過不惟豪橫壓清臞聊為詩人洗

寒餓

府學十詠內七言五首

李石

禮殿

蜀侯作類錦水湄先聖先師同此室巍然夫子據此座殿  
以周公名自昔聖人兩兩如一家均是周人先後出東家  
想見中夜夢猶與公孫同衾焉斯文授受乃關天不為漢  
唐加損益我時來視俎豆事重是漢人斤斧迹漢宮制度  
九天上散落人間此其一多因豐屋起戎心獨此數椽綿  
歲曆規摹蝶嶲東魯似氣象縹緲西岷敵竹松猶是斯千  
詩風兩方知隆棟吉雖然漢獻來至今閱時已多駒過隙  
中間豈無烏鼠慮妙斲不知難輒易工師不揆亂如麻敢  
向殿門言匠石詩書譬彼尚闕文後學如何補遺逸祖龍

非意竊登牀科蚪有心來壞壁舊章僅在命如絲誰勒言  
詩勝丹漆

左右生題名

蜀地雖遠天之涯蜀人只隔一水巴自從文翁建此學此  
俗化爲齊魯家類林春風桑椹熟集鼓坎坎聞晨撾諸生  
堂與分左右相比以立如排衙九牧之金充歲貢搜出精  
鏞遺其沙卿雲寢武皆蜀秀虎豹各自雄鬚牙兩京得人  
廣數路忍使丘中留子嗟不然題名百許輩無一顯者何  
謂耶我亦典學老從事試向坐中尋孟嘉

古栢二首

驕榮落盡雪霜浮偃蹇空胎社櫟羞濡沫東家雖借潤風  
煙西爽亦宜秋皮災已覺神明露心在猶懷剪伐憂鐵鎖

何當絆龍脚夜深雷雨卷潭湫

思人誰復念婆婆窰室崖陰未易磨四十圍間看溜雨三  
千年後數恒河不堪與世供狙我尚許遺民占鳥窠從此  
便名夫子樹康人介斧祭予何

石經堂

我來登石經堂從以諸生行兩廡諸生讀經半頭白問  
以始終籍不語我聞此經昔中郎中郎所隸乃其祖邇來  
離亂已亡失楷本僅能傳蜀上蜀土閏位供掃除獨此仍  
爲盛時取爲將嚴鑄守重尙護以繚垣崇邃宇列之學官  
豈無意豈但闕文存夏五大開明鏡別妍媸時扣洪鐘諧  
律呂後生不復事丹鉛抵死唯知守藤楮字音隨口妄覘  
覓點畫分毫謬魚魯日月當天空委照青俗相欺紛莫覩

石經雖古奈爾何人競傳今不傳古行行矧肯換眼覩辭  
剥宮封費撐拄堅鏡僅免飽蟬魚隘道爭來宅狐鼠此間  
鄒人儻借問爲問石經誰是主一作敵門肆訶斥幾度向  
墻誇僂僂登登閣閣隱金槌聒耳散空垂電兩蠟薰煤染  
連作卷玉軸錦裝如束杵豈無一物媚權豪幾紙才堪博  
圭組爾之所得固么麼我則何由寬擊拊一槌只作一字  
訛訛至萬千那復數石經之害此其大縱有鬼神何可禦  
憶昔嘗爲博士官首善堂中容接武心知不是世間書雲  
漢森然城百堵恢恢帝所有餘地忍使石經留外府便當  
連舸下瞿塘飛上三山如挿羽縑紉辨謬鍾鼎暗天璉豈  
容無一補巍巍玉帝殿中央河洛東西翼龍虎雖然斯文

屬興廢帝既有心天亦許作詩未用擬韓公考篆庶幾遺  
石鼓

上席師

喻汝礪

先公御吏如御兵迎刃而解如庖丁掀髯一笑黠吏走蜀  
中草木知威名伯兄渠渠天下士高高少室之英靈妙於  
提書噉閭闔欲議可以詣韶韻昨年兩作益州牧西南惡  
少不敢行後來繼者有季弟潭潭太慶涵滄溟指麾萬事  
不作意決背兩電風煙生南望城有西玉壘逸氣夜與銀  
河傾幅巾筇杖過何許閑邀仲元訪君平小蓬董寶夜吹  
笙徃徃笑倒長庚星拔劍起舞者誰子杜陵老翁醉不醒  
生平入眼無俗物胡爲見我眼自青武侯廟前有古柏風  
今雨歇蛟龍聲我來正欲剗尔腹琢作巨屋丹其楹琢作

巨麓用其楹繪此落落三名卿尚使千載知儀刑喻子作  
詩如鼎銘

蜀事補亡十詠

武擔

宋京

君不見蜀王妃子墓突兀成都城中若山積墓頭寒鏡遊  
無光妬月欺煙化爲石鴻荒無根憑野史直爲山妖化妃  
子臨終未免懷首丘運土山中葬於此山名武擔錦江邊  
用是得名千萬年如今佛閣倚空翠老木盤鬱摩蒼天晴  
雲入穴西山出捲簾坐見嵐光滴安得文如汲冢書免使  
後人疑往昔

龜化

君不見秦時張儀築少城土惡易敗還顛傾力疲智竭築  
託得地近京邑此獨隱晦遐方偏安得老人洗此心還我  
澹泊同古先

嚴真

君不見莊遵賣卜成都市市中仙隱無人值百錢慶日復  
何求猶有沉冥見文字不因問着牛女星下世安能知姓  
名雲中鷄犬拔家去舊宅寂寞秋蕪平椿機石在年年長  
藥鼎空留閉黃壤前時發掘篆籀新明水神丹光滉養金  
馬橋邊臺觀存神仙遺事渺難論安得先生爲我卜俗骨  
庶可窺天閭

琴臺

君不見成都郭西有琴臺長卿遺跡埋黃埃千年免爲狐  
兔窟化作佛廟空崔嵬黃鬚老人猶記得昔時荒破樵蘇

入鉏犁畏淺牛脚勻古甕耕開數逾十乃知昔人用意深  
甕下取聲元爲琴人琴不見甕已掘唯有鳥雀來悲吟一  
朝風流隨手盡况復千年何所訊安得雄辭弔汝魂寂寞  
秋蕪耿寒燐

墨池

君不見子雲草玄西郭門一逕秋草閒朝昏何須筆冢高  
百尺池墨黯黯今猶存童烏侯巴竟零落玄學無人終寂  
寞漢家執戟知幾年垂老身投天祿閣俗兒紛紛重劉向  
思苦言難動朝諂漢巴中天雄亦亡不教空文從覆醬如  
今却作給孤園吐鳳亭前池水寒安得 則人尚可作會有  
奇字令君看

書臺

君不見孔明書臺遺廟旁古書不見臺荒涼臥龍未起蜀  
天遠茅廬日月空南陽赤符光寒白水涸秣陵王氣猶能  
作璋若嬰兒操虎狼脫去荆州殊不惡十倍奇才安用書  
此臺音時知有無蜀人思君識故處未若江水存兵圖黃  
冠所居門第改祇有坊名今尚在安得臺邊見古人秋草  
重牛類書帶

草堂

君不見少陵草堂背西郭浣花溪水流堂脚竹寒沙白自  
淒涼莫問四松霜草薄入門好在鳥皮几公去不歸換鄰  
里西嶺千秋雪未消舍北泥融飛燕子祇今檻木平橋路  
籠竹和煙雜江霧野僧作屋號草堂不是柴門舊時處詩  
壇今古誰能將艷艷文章光萬丈安得英才擅品量當使

公居摩詰上

灘石八陣圖行

王剛中

我生孔明後相望九百載我想孔明賢巍然伊呂配奇謀  
勇略號雄師大節英風蓋當代木牛流馬何足言八陣遺  
蹤千古在我行已度瞿唐門長灘石壘差參分洪纖高下  
尺寸等猶有當年節制存四頭八尾觸處首敵衝中央兩  
皆救握奇如樞運無窮七縱七擒仍敢攻規模黃帝已垂  
文後來得者惟將軍唐宗李靖拾遺意樂舞旂表徒續紛  
長江之上石蟠結江波洶湧石不滅使君何事遽剷除  
夜風雷吼天闕明朝依舊石縱橫神物護持人始驚向來  
守蜀用此法誰知石壘真金城嗟乎孔明遇不遇則劉  
公恢大度國險地狹民力微法出萬全勢未具嗟乎孔明

以此用於吳長江內固魏可圖嗟乎孔明以此用於魏掃  
平三分歸一筆祇應所遇勢不同勢既不同功亦異嗟乎  
孔明之心如石堅欲扶漢室還中原事之不就則天耳安  
肯俯首從曹袁嗟乎孔明如生石不老後世用兵無草草  
忽然變作六花看便失本原難按考請觀壘石斷機籌江  
流東去自悠悠英豪得此石外指長與君王靖邊壘

觀八陣圖有感

李興宗

江從岷來觸瞿唐夏潦潰裂怒勢張霜溝水落洲渚露纍  
纍江石堆作行半斜半直半踈密方營周匝門東出相傳  
呵護有鬼神驚波不能移寸尺想見當年諸葛公論中羽  
扇揮愁風令嚴部伍寂如水出沒變化機無窮乾坤不足  
當經理寫留古法良岑趾上灘下峽一千年多少英雄測

玄旨小兒元子強多知常山蛇勢吾能窺灞上枋頭真絕  
倒空使虬髯論握奇斲輪不可傳其子此公天機絨骨髓  
奈何螟蝗生蝮蝎炎劉已灰吹不起天教三馬食一槽老  
馬啼嚙暫咆哮渭陽中幘勢將蹶大星夜隕西軍號嗚呼  
興廢盡天意中原腥羶今六紀胡雛骨肉正相殘欲拯塗  
炭嗟誰使大官酣燕芻豢餘小官跼蹐塵埃裏舉目厭厭  
九泉人誰訪草廬談世事向來韶畧機莫投而今投機久  
良籌君不見峽山深深茅舍底有人抱膝高聲謳

奉陪安撫大卿登八陣臺覽觀忠武侯諸葛公遺像偶成長句

張續

白帝城西魚復浦十月江平見津滸當年累石紛成行此  
地臥龍經講武轅門外建巖中權陣有壁壘一門東出列陣相承存

後伍八陣相承又何人蛇勢識常山未數魚麗矜鄭拒  
知精神貫金石尚想號令嚴鉦鼓老兵料敵應疑生川后  
澄波其敢侮向令亦伏有餘符下睨皇州真指取云何遺  
跡司神明獨斬豐功被寰宇高城置酒共臨眺往事興懷  
增歎撫巍然王佐三代前信矣名言照千古

巨壘李訖謁丞相祠登開濟堂俯八陣圖觀新帥  
張卿與侍郎林公舊題倡和皆慨想當時英烈莫  
誦久之惟灤東流鬻城入江且為民病願以不能  
轉石者一轉茲水輒借韻賦之 李訖

人言忠孝不磨滅神物護持存水滸千年陵谷幾變遷此  
石不移自章武本由黃帝古兵法六十四以八為伍髯孫  
且懼生蓬走賊操遊魂何敢拒刻銘沙伏水底碑有碑石今



賦水教戰石存山下鼓山下有石鼓相傳為教戰之鼓一片丹心天地間  
萬世聞風猶禦侮我來起敬凜如生再拜一言公必取瀛  
流東截陣圖前寢隳城壁頽民宇能安拳石止波流願回  
瀛患思民撫常使夔人知感公踏蹟年年弔千古

白帝廟

楊安誠

白帝廟神舊傳以為公孫氏以余考之非也公孫氏享國  
日淺轍迹未嘗至夔獨遣田戎任滿戎江關岑彭入江關  
不復為戍守公孫氏無從廟食按酈道元注水經瞿唐灘  
上有神廟甚靈刺史二千石過其下不敢伐鼓鳴角恐致  
風雨舟人上水以布裹篙足不令觸石有聲蓋不謂其神  
為公孫氏瞿唐天下至險必有神物司之但有廟偶連白  
帝城俗遂從而訛爾余往來三峽皆托神之庇輒為賦此

庶來者有所考云淳熙十一年正月晦日西蜀楊安誠

父書

蜀江萬壑俱東奔瞿唐喧逐逐一門驚濤駭浪建瓴下巖  
崖仆谷相吐吞朋妖窟宅峙幽阻正晝噴薄陰霾昏靈宮  
奕奕鎮地險衆瀆稟令川祇尊赤甲後聳黃熊躍灑額前  
峙青猿蹲舳艫銜尾下吳楚約束蛟鰐如鷄豚舊傳鼓角  
致兩電裹蒿不觸撐舟痕綜理脉絡盡西徼帝假之柄攸  
司存子陽祚國十年近此地未省東其轅連江列炬鐵鎖  
斷戎滿彝北無留屯江關回首盡漢幟遺黎何自知公孫  
血食漢代定不爾但有故壘山之樊子美誤信齊東語感  
慨勇略招英蒐山川之靈載望秩僭偽詎可同時論向來  
名實久淆溷薦裸無乃瀆俎膳請從酈元為考證神理昭

昭斯可原

過黃陵廟

李子材

黃陵廟前湘水綠天寒魚郎唱巴曲沙棠舟上月蒼蒼翠  
皎白蜃江茫茫似聞清愁五十柱萬里鴻飛楓葉暮神鴉  
翻舞祠門開珠裳玉袖露萼苔玄猿晝啼蘿薛影赤鱗夜  
去芙蓉冷北渚淡痕班竹紋南風哀思蒼梧雲山頭古桂  
秋露碧山下江流豈終極荒涼揭車雜杜衡靈風自吹煙  
霧旌輕帆晚向芳洲泊聊薦蘋羞奠蘭酌沅有沅兮湘有  
沱洞庭木落生層波裴回獨詠騷人歌

戒石亭

王十朋

爾俸爾祿民膏脂下民易嗾天難欺聖訓昭昭日月垂刻  
石于庭勵官師臣庭堅字允璫奇光老宸翰增光輝坤維  
門戶州名夔庭前戒石儼昭垂筆畫微茫觀者疑太歲在  
酉嘉平時吉日丁亥刑牲犧命工舉石少高之一新欄檻  
嚴護持銀鈎照眼光陸離天威咫尺顏不遠嗾民之事焉  
可為勿謂蒼蒼不吾知與爾同僚共孜孜

龍樹

陸游

成都六月天大風拔屋動地聲勢雄黑雲崔嵬行風中凜  
如鬼神塞虛空霹靂迸火射地紅上帝行命起伏龍龍尾  
不卷曳天東杜哉雨點車軸同山灌水溢路不通連根拔  
出千丈松木言為人作年豐偉觀一洗芥葉胃

八陣圖

陳謙

武侯陣法洞萬古所至累石傳岷嶓意令他時人共識不  
輕蜀血丹秦戈沔陽舊壘已荒草道元往記空摩娑廣都

鄉名至今在鄉老相戒不敢磨八八成行被隆上兩陣二  
首形無頗乾坤門戶取法象未顯奇正相交加惟有江流  
魚復浦因水成勢雄平沙前方壁門嚴營制後如偃月不  
可倖七八為經分戟立九六為緯標鱗差妙哉隆中先天  
學墮規八卦森包羅六十四陣極卦變縱橫百出無贅牙更  
參禮經得深旨畫前立井分八家及其變動不可常玄前  
八肖舞象犧四頭八尾法制定四正四奇合變多紛紛紜  
紜未易亂渾渾沌沌誰能遮晉家將軍最倔強到此驚見  
常山蛇既識端中相應法何為征北復成訛乃知天玄與  
地秘奇才不世空谷嗟緬懷牧郊釣漢客止齊步伐聲無  
詳陰經軍志八為用指麾昧爽趨朝歌春秋蒐乘漸蕪率  
猶有魚麗參鶴鶴樓煩禿騎到中國紛披誰恤狐貍鬣長  
平埋肉滿山谷昆陽積骸如亂麻自注孫經雜水陣華容  
道上宵焚葭苟無法制驅市人參肉偃首胡足呀菽鳥宇  
令此荒廢直到分鼎成山河雜耕未盡星斗泣節制惜不  
開中華獨之可勝不可敗悔亡取亂明義城英雄相待得  
英衛翻為圓陣鋪六花功成演作破陣樂八舞校隊猶餘  
葩真觀以來遽絕筆潼關散卒奔濤斜古人紙上已糟粕  
况乃沙石喧江淹天公幸自惜人命約束瀕湧嚴誰何指  
圖尋跡望千載嵩雲畫鎖高嵯峨

雪山天下高

周洪謨

巨靈擘斷崑崙山移來坤維參井間內作金城障三蜀外  
列礪礪居百蠻自昔蠶叢始開國千巖萬谷積寒雪疑有  
五城十二樓玉色玲瓏界天白光連銀漢霏素虹六月六

暑飄寒風俯見五嶽在平地遙窺三島皆冥濛此去石紐  
無幾許昔鍾靈秀生六禹當時自此導江流至今名垂千  
萬古

### 眉山天下秀

大我兩山相對開小我迤邐中我來三峨之秀甲天下河  
須涉海尋蓬萊昔我登臨彩雲表獨騎白鶴招青鳥石龕  
石洞何參差時遇仙人拾瑤草丹崖瀑布連天河大鵬圖  
南不可過晝昏雷雨起林麓夜深星斗棲巖阿四時青黛  
如綉繪岷蟠蔡蒙實相對昔生三蘇草木枯但願再出三  
蘇輩

### 瞿塘天下險

岫崖壁立何險巖扼東大江如一絲杜宇神功渺何許堯  
時餘燼誰復知中流灑灑實挺特如牛如馬夏秋月怒濤  
掀天萬壑雷巨旋觸石千層雪湯湯東去幾回灣虎頭狼  
尾如連環赤甲下映人鮮甕黃牛高抗鬼門關憶昔英雄  
割據日挿丁爲梯上絕壁只今四海盡爲家鎖江鐵柱存  
何益

### 巫山天下奇

靈鯨一動海水翻三山飄流無定根岱輿忽失十二峯萬  
里飛墮夔之門仰挹銀漢洗青黛俯瞰長江似衣帶地森  
玉笋青雲端天開罨畫彩虹外山間神女棲陽臺芙蓉爲  
貌玉爲腮如何朝暮弄雲雨却使懷襄相繼來無乃宋玉  
善盡感託爲恠誕荒淫說只今高崖紫蔓間惟有猿哀聲  
不絕

劔閣圖爲王公濟進士

李東陽

岷峨山高連劔閣峽門中開如鬼鑿盤渦濺沫紛欲躍石  
勢迎流閣還却驅車入山山路惡水行孤舟陸雙僑古來  
蜀道難於天信美不及還家樂揮毫作圖圖者誰東吳老  
翁生好奇曾蟠萬壑筆二峽或有神助非人爲昔從此地  
值奇客直以賞識酬心期江山無情歲月改頭白再往失  
路岐王即年少今已壯仰睇丹梯隔青障遺縑斷墨空塵  
埃我已爲子神悲愴酒酣作歌歌始放我懷峻嶒聲跌宕  
君不見風江捲地山蹶空誰復壯遊如兩翁

劔閣行寄總制都憲彭公濟物

孫太初 太白山人

老子輕裘豪且雄挽弓射龍江水中落日半壁翻江赤巫

峽明月啼猿絳中原一髮渺何許岷峨萬里來秋風古云

劔閣罪真宰盜賊竊據今無同地生度量固人力全活民

命天爲忠健兒倒戈喜多夢歸來散馬關之東燕然銅柱

亦細事致君堯舜臣之功野夫甘守西山餓再見庶物回

冲融再見庶物回冲融

長江萬里圖

楊基

我家岷山更西住正見岷江發源處三巴春霽雪初消百

折千回向東去江水東流萬里長人今漂泊向他鄉烟波

草色時牽恨風雨猿聲欲斷腸江生原籍蜀中嘉州人因租

孟蜀李夫人祠

謝臯初

春荒曲薄蠶叢土屈狄歸朝辭廟主官家呼母恩許歸劔

閣并門無處所一作淚故衣升屋棺四繞出門哭子汴州

道回腸酌酒三致辭巴蜀如歸化啼鳥老身不食追爾魂  
鹵薄臨門拜上恩

成都揚子雲洗墨池

趙貞吉

黑鱗拔浪遊奇門靈鳥下掃腸泔痕幽蚪吐水沉古影武  
擔山風珮珊冷魂迷瘴雨芙蓉濕侯芭噴腔三斗汁黃金  
跳地吹作仄商鬼蒿城濛花澀

許應元

赤日欲行且復留縣宰開我城南游輕風棹謳絕江水咫  
尺便涉方壺丘藤溪竹徑何歷幕石室巖扉忽森瑟乳泉  
滴瀝朝出雲琪樹籠葱晝含日前簷偃僂窺邑井決波淪  
云浴奔景花喚晴樓巫峽烟笙臺暝接青城嶺昔人已去  
姓空存池上猶餘洗藥盆應指乘枝元是海却栽桃樹自  
成村余悲城市不可住日暮猿啼復當去淹留近鄰山界  
宅彷彿安知羽人處蓬萊方丈信依微湖上青山待拂衣  
明發還應牽簿領岩前只有白雲飛

都江堰

蔣朴

都江堰前江怒流橫蛟摧壓雙鐵牛牛深入地不可出百  
恠低昂隨所求漲來吞噬蕩城舍水徙湮壅傷田疇神明  
守令念隱瘼講究興廢蒐群謀經營不作朝夕計要與久  
遠圖安休疏洶盡復秦氏蹟鑄冶却鑿元人籌萬夫奮錘  
集堤上百職倉皇趨道周隰厓鑿石泣山鬼開道輦鐵走  
數州二牛欣欣再出土鐵柱櫛比環城陬都水憲臣專督  
閔往來弭節離堆丘省方直指屢民事緣江按績躬諮諏  
群公合還擁江側冠蓋駢雜如雲綢繡衣下照江水赤旗

四川總志卷之三十一  
旒交舞風颺颺金牌彩帛賞功役銀樹遍插度吏頭輓糧  
載酒剝大豕徒匠醉飽露犒優歡聲動地沸江水從此縞  
惠安歛收磨石勒成詔來哲一時鉅舉垂千秋我聞此水  
開明後李冰父子宣其猷刻犀厭勝護長岷沫水不敢衝  
西樓三犀磨滅鐵龜出龜毀牛乃魁然留後先相望各展  
力至今陸海蒙遺庥古來勞業貴紹繼嗣者慎勿忘前修

四川總志卷之三十二

詩二

夫歌以永言則咨嗟慨歎其旨玄遠而具思淵以穆  
矣長卿琴歌其微得風人之髓乎後世若花卿之雄  
儒夔州之工緻南京之壞麗竹枝之婉切咸有足傳  
他若行以抒其衷悵曲以殫其婉思吟以發其佚興  
詞以標其麗藻皆詩之一體亦作者之所以闡惟靈  
而超物表也用謹識之

歌類

琴歌

漢司馬相如

鳳兮鳳兮歸故鄉遨遊四海求其凰時來遇兮無所將何  
悟今夕升斯堂有豔淑女在閨房室邇人遐毒我腸何緣

交頸為鴛鴦胡頰頰兮共翱翔

鳳兮鳳兮從我栖得託孳毛永為妃交情通體心中諧中  
夜相從知者誰雙翼俱起翻高飛無感我思使余悲

司馬相如琴歌

唐張祐

鳳兮鳳兮非無凰山重水闊不可量梧桐結陰在朝陽濯  
羽弱水鳴高翔

閨水歌

唐杜甫

嘉陵江色何所似石黛碧玉相因依正憐日破浪花出更  
復春從沙際歸巴童泛棹歌側過水雞街魚來去飛閣中  
勝事可腸斷閩州城南天下稀

花卿歌

成都猛將有花行學語小兒知姓名用如快鷁風火生見

隨神女下朝朝

蜀麻吳鹽自古通萬斛之舟行若風長年三老長歌裏  
書攤錢高浪中

憶昔咸陽都市合山水之圖張賣時巫峽曾經寶屏見楚  
宮猶對碧山疑

閣風玄圃與蓬壺中有高堂天下無借問夔州壓何峽峽  
門江腹擁城隅

武漢祠堂不可忘中有松柏參天長干戈滿地容愁破雲  
日如火炎天涼

上皇西巡南京歌十首

李白

胡塵輕拂建章臺聖主西巡蜀道來劔壁門高五千丈石  
為樓閣九天開



九天闢出一成都萬戶千門入畫圖草樹雲山如錦繡  
川得及此間無

德陽春樹似新豐行人新都若舊宮柳色未饒秦地綠  
花光不減上林紅

誰道君王行路難六龍西幸萬人歡地轉錦江成渭水  
天迴王壘作長安

萬國同風共一時錦江河謝曲江池石鏡更明天上月  
後宮親得照峨眉

濯錦清江萬里流雲帆龍舸下揚州北地雖誇上林苑  
南京還有散花樓

錦水東流繞錦城星橋北挂象天星四海北中朝聖主  
城眉山上列仙庭

秦開蜀道置金牛漢水元通星漢流天子一行遺聖跡  
錦城長作帝王州

水深天清不起塵風光和暖勝三秦萬國煙花隨玉輦  
西來添作錦江春

劔閣重關蜀壯門上皇歸馬若雲屯少帝長安開紫極  
雙懸日月照乾坤

峨眉山月歌

峨眉山月半輪秋影入平羌江水流夜登清溪向坐峽  
思君不見下渝州

竹枝歌

劉禹錫

白帝城頭春草生白鹽山下蜀江清南人上來歌一曲  
北人莫上動鄉情

山桃紅花滿上頭蜀江春水拍山流花紅易衰似郎意水流無限似儂愁

江山春來新雨晴灤西春水縠紋生橋東橋西好楊柳人來人去唱歌行

日出三竿春霧消江頭蜀客駐蘭橈憑寄狂夫書一紙往在成都萬里橋

兩岸山花似雪開家家春酒滿銀杯昭君村中多女伴永安宮外踏青來

城西門前灩澦堆年年波浪不能摧悒悒恨人心不如石少時東去復西來

瞿唐嘈嘈十二灘此中道路古來難長恨人心不如水等閒平地起波瀾

巫峽蒼蒼烟雨時青猿啼在最高枝空裏行人腸自斷出處不是此般悲

山上層層桃李花雲間煙火是人家銀釧金釵來負水長刀短笠去燒畬

白居易

瞿唐峽口水煙低白帝城頭月向西唱到竹枝聲咽處寒猿啼鳥一時啼

竹枝苦怨怨何人夜靜山空歌又聞蠻兒巴女齊聲唱恁煞江樓病使君

巴東舫上巴西波面風生兩脚齊水寒冷花紅簇簇江離濕葉碧萋萋

江畔誰人唱竹枝前聲斷咽後聲遲恁來調苦緣詞苦多

是通州司馬詩

孫光憲

門前春水白蘋花岸上無人小艇斜  
商女經過江欲暮微拋殘食飼神鴉  
亂繩千結絆人深越羅萬丈表長尋  
楊柳在身垂意緒藕花落盡見蓮心

竹枝歌

宋蘇軾

竹枝歌本楚聲幽怨惻怛若有所深悲者豈亦往昔之所見有是怨者歟夫傷二妃而哀屈原思懷王而憐項羽此亦楚人之意相傳而然者且其山川風俗鄙野勤苦之態固已見於前人之作與今子由之詩故特緣楚人疇昔之意為一篇九章以補其所未道者

蒼梧山高湘水深中原北望度千岑  
帝子南遊飄不返惟有蒼蒼楓桂林  
楓葉蕭蕭桂葉碧萬里遠來超莫及  
乘龍上天去無蹤草木無情空寄泣  
江濱擊鼓何喧闐相將叩水求屈原  
屈原死已今千載滿船哀唱似當年  
海濱長鯨徑千尺食人為糧安可入  
招君不歸海水深海魚豈解哀忠直  
吁嗟忠直死無人可惜懷王西入秦  
秦關已閉無歸日童華不復見車輪  
君王去時蕭鼓咽父老送君車軸折  
千里逃歸迷故鄉南公哀痛彈長鋏  
三戶亡秦信不虛一朝兵起盡誰呼  
當時項羽年最少提劍本是耕田夫  
天橫行天下意何事棄馬烏江馬垂  
涕項王已死無故人首入漢庭身委  
地富貴榮華豈足多至今唯有塚嵯峨  
故國淒涼人事改楚鄉千里為悲歌

竹枝

蘇轍

丹行千里不至楚忽聞竹枝皆楚語楚言啁啾安可分江  
中明月多風露扁舟日落駐平沙茅屋竹籬三四家連春  
並汲各無語齊唱竹枝如有嗟可憐楚人足悲訴歲樂年  
豐爾何苦釣魚長江江水深耕田種麥畏狼虎埋人風俗  
非中原處子不嫁如等閑雙環垂項髮已白負水採薪長  
苦艱上山採薪氣辣負水臨溪波浪黑天寒斫木手如龜  
水重還家足無力山深瘴暖霜露乾夜長無衣猶苦寒平  
生有似麋與鹿一旦白髮已百年江上乘舟何處客列肆  
喧嘩占平碕遠來忽去不記州縣帶歸船不相識去家千  
里未能歸忽聽長歌皆慘悽空船獨宿無與語月滿長江  
歸路迷路迷鄉思渺何極長怨歌聲苦淒急不知歌者樂

與志遠客下聞皆掩泣

東湖瑞蓮歌

梅摯

東湖七月湖水平鱗波暗織簫籟聲中有植蓮萬本紅綺相照  
繁英地靈氣粹不我測雙葩修如同菴黃姑織女渡銀漢霓旌鳳葆  
羅空清又認英皇立湘渚翠華不返凝怨慕五十承絃灼曉聲斷  
首低昂沙珠露是時主人集宴喜湖光浸庭霞脚賦朋簪我裁盡  
才子椽筆交輝雲藻農酒酣憐欄惜紅暉煙素徘徊學飛魏宮  
甄美芳寢髮髻有人持玉末此邑古來無異政室家瘠瘠何由慶  
三年鼠竊例皆然以薪救火彌盛自公整車政克和載遠護腹騰  
歌歌公用同日皎不獨于今古應必因感球芳兩兩開王賈珠聯當  
縣沼况我與公高道道芝歌首迹商山皓嘉謀嘉猷惠人陳願  
將此美歸華勳

水月亭歌

馬 甫

陽來中坤坎波翻月本於地仍東還誰爲聚之古祗相溼  
碧湛湛琉璃盤珊瑚晶英澈疑湍西風晚來攪秋寬海蕩  
冰碎天飛旋翬雲指心似深禪鬼死澤困與尔言夜游倚  
聲霓裳誰捉影或墮不可援幼癡益多吾慄然明河繞木  
冷瓊環玉髮飄蕭亂空寒頽欲栗槎此窮源脫屣濁世搏  
林鴛采華食葉爲玉仙

銅馬歌

王 灼

邗城村民鑿古墓遂得一銅馬高三人許制作精妙前簡  
池守景李淵取歸中霄風雨輒聞嘶聲恠之不敢留移  
送佛手紹興丙子以事至成都黃伯淵見索作銅馬歌  
君不見武皇逆心凌九垓追風躡影思龍媒曾班門外立

銅馬天旣萬足皆塵埃又不見伏波將軍破交賊歸來發  
前獻馬式據鞍習氣殊未衰想見老子直雙轡兩京纒覆  
知幾秋只有山河供客愁孤煙落日蠶叢國出此神物於  
荒丘千年黃壤誰作主猶把歸心泣風雨但恐一朝去無  
蹤有似豐城寶劍化雙龍

樓上醉歌

陸 將

我游四方不得意佯狂施藥成都市大瓢滿貯隨所求聊  
爲疲民起憔悴飄空夜靜上高樓買酒捲簾邀月醉醉中  
拂劍光射月往往悲歌獨流涕劔却君山湘水平斫却桂  
樹月更明丈夫有志苦難成脩名未立華髮生

上元竹枝歌

冉居常

青春惱人思躡蹻女郎市酒趣數錢不道翁家久留客紅

四川總志卷三十一  
楊慢結賽鞦韆

學簫學鼓少年群  
準擬春來奉使君  
自向瑯籠作行隊  
安非奸曲薦慙慙  
珍珠絡結繡衣裳  
家住江南山後鄉  
聞道使君重行樂  
爭携腰鼓趁年光

竹枝歌

王廷相

江草江花滿眼新  
不知即去幾多春  
愁來欲上東峯望  
上到東峯愁殺人  
即在荊州妾在家  
年年江上望歸槎  
茶蘼種得高如妾  
縱有春風枉却花  
即在瞿唐儂自愁  
坐憎風水打船頭  
江靈若解渠儂意  
若來時水不流

野鴨嗷嗷一隻飛  
飛到儂池不肯歸  
莫共鴛鴦鬪毛羽  
鴛鴦情性世間稀

赤霞簾幙晚氤氳  
欲換春衣怕自熏  
隨意鞦韆寒食下  
桃花妬殺石榴裙

楊花作雪竹連天  
即下荆吳又一年  
江上浣沙郎不見  
問郎錯問下江船

楊慎

夔州府城白帝西  
家家樓閣層層梯  
冬雪下來不到地  
春水生時與樹齊

日照峯頭紫霧開  
雪消江面綠波來  
魚復浦邊晒網去  
麝香山下打柴回

江頭秋色換春風  
江上楓林青又紅  
下水上風來往貫一

年長在馬船中

最高峯頂有人家冬種蔓菁春采茶長笑江頭來往客冷

風寒兩宿天涯

清江白石女郎神門外往來祈賽頻風颭青旗香雨歇山

薑花開理草春

紅粧女伴碧江濱道草花簪茜草裙西舍東鄰同夜燭吹

笙打鼓賽朝雲

神女峯前江水深襄王此地幾沉吟擘花温玉朝朝態翠

壁丹楓夜夜心

上峽舟郎風浪多送即行去為即歌白藍紅錦多多載危

石高灘穩穩過

無義灘頭風浪收黃雲關處見黃牛白波一道青峯程頭

益柴桑不負陶彭澤歸來平魯東石

石齋歌

何景明

濯錦江中錦為水白石粼粼映江底江頭齋閣石嵯峨卜

築題名總因此岷撐壑柱盤天地產秀生神豈人意日月

霄通灑瀕根風雲晝吐岷峨氣明公少手天下奇琅玕五

色動光輝扶踈太華仙人掌照耀銀河織女機明堂大厦

要梁棟不獨文章翰林重懸磬真諧韶濩音國琛果獻珪

璋用公登雲閣望雲林霄漢長歌白石吟功成思袖補天

手力在寧忘障海心衛公德業懷應滿李相風流今不遠

海內完名已玉成平生真志同金斷萬里橋邊綠竹園百

花潭畔平泉館待公一起慰蒼生還卧西山未應晚

眉山歌謝辭謝辭之春遊者幾到京語諸人共

趙貞吉

白帝昔稟鴻濛匠鑄錯江山排罔象赤髓溶成巴字源青  
稜幻出我眉狀我眉兩片翠浮空日月跳轉成雙瞳美人  
西倚映碧落崑崙東向懸青銅嘉陵黛色何窈窕暮兩朝  
雲情未了力士空埋王冶鬼王孫暗轉琴心調可憐烟靄  
下燈州望望行人芳意留香象渡河春浪泯碧鷄啼晚思  
悠悠歸來悵恨高唐趾不願封侯願遊此錦繡洪都羨畫  
圖神明壯宅嗟疑似憶昨路逸捷爲中褰裳遙指白雲峰  
踏宵拓落開南紀鼉吼鯨訇迨巨踪此山疑有真靈住此地  
遙疑接玄圃天上年年種白榆人間歲歲飛紅雨白榆紅  
雨異凡仙放光臺上一茫然百年萬劫僅彈指七十二君  
皆比肩雪嶺星橋殊小小銅梁玉壘何眇眇西拈優鉢影團  
團東釣珊瑚光杲杲蒼顏顛烝有誰同羞落襄王一夢中  
塵心祗會題紅葉素業先須訪赤松白龍吐霧成海水青  
鳥卸花供寸晷我來踏遍八十四盤飛雪之奇蹤一洗靈  
山少年耻長卿多病在臨邛傾心縹緲玉芙蓉抽毫爲作  
大人賦折簡應召無是公

曾中丞平蠻凱歌

陳宗虞

都蠻在敘南逼處邦域間非一世代之故矣信門庭寇  
戎垣益熾甚毒至剖孕炊嬰不可忍言即賊性梟鏡之  
常宜故常羈縻養亂致然矣大中丞曾公毅然仗鉞誓  
必殲之甫以夏六月觀兵而南曾不逾時盡蕩蠻穴偉  
哉千萬世之功乎昔惟漢車騎元舅構釁成功尚封山  
頌德再如淮西寇僅五十年既俘之日致塵天子詔命



勒詞矧克數千載負固如今虜者陳子不揣下里輒誤  
凱歌一十二章豈云藻蕩芳烈庶幾暢發私忭云耳

高秋幕府日南天坐策將軍下瀕江曠弩長矛二十萬一  
時風雨盪蠻烟

八陣風雲岨壯圖當年擒縱此摧枯英雄踔絕還今日貫  
有天威再渡瀘

蓋弧一掣海西軍七向成都萬里雲豹畧龍館誰可測元  
戎故擅郢人斤

虎旅號騰出大城先峯俠烈是劉生天高雪嶺秋懸檣風  
急岷江夜勅兵

高江六月誓王師白日雷震迅虎羆馬上健兒橫吹曲俱  
翻南仲出車詩

國中高調廢陽春慘底先聲辟虜塵誰好征南同興緒君  
王元解簡詞人

出師橫絕大城巔倚劔天門瞰凱旋八千盤頭親勒石勲  
名那用說燕然

一取名王萬醜降分明談笑靖南邦何當玉壘標銅柱便  
覺湯池是錦江

放牛歸馬徹華陽士女壺漿籍道旁只說平番唐節度翻  
傳諭蜀漢文章

黑水金沙界不毛一時氛稜掃江皋才如吉甫兼文武事  
比徐方淨繹騷

軍書一日勞元勲天筆親搖露布文汗簡總收周太史形  
弓還飲霍將軍

錦官楊柳日依依甲士旋歸聽采薇頗牧行知宣禁署萬  
年天子但垂衣

廉救度歌

漢書廉范字叔度建初中為蜀郡太守嘗制禁民夜作  
以防大灾而更相隱蔽燒者日屬范乃毀削先令但嚴  
使儲水而已百姓為便乃歌之曰

廉救度來何暮不禁火民安作昔無孺今互務

三節婦歌

未和中廣漢漢中羗反雷及巴郡有馬妙祈妻義王元  
愼妻姬趙蔓君妻華夙喪夫執共姜之節守一醮之禮  
號曰三貞遭亂兵迫匿懼見拘辱三人同時自沉下西  
漢水而沒死有黃鳥鳴其下處能徃焉國人傷之乃作

詩曰

關關黃鳥爰集于樹窈窕淑女是繡是黼惟彼繡黼其心  
匪石嗟爾臨川邈不可獲

艷瀨歌

梁簡文帝

艷瀨大如馬瞿塘不可下金沙浮轉多挂浦忌經過鄭樵  
云天下水之險者惟蜀之瞿塘廣西挂浦此歌言行瞿  
者准艷瀨行挂浦者准金沙也

艷與歌

孝子傳庾子興扶父柩過瞿塘六月水逆子興儔而遂  
平既過泛溢如故人歌之曰

艷與如牛本不通瞿塘水退為庾公 艷與即艷瀨字

灌令歌 鍾玩良吏傳

崔瑗為灌令開溝畝田民賴其利歌曰

天降神明君賜我慈仁父臨民布德澤恩惠施以序穿溝  
廣溉灌決渠作甘雨

樊守歌益部耆舊傳

漢樊智遷為蜀郡太守秩滿民歌之曰

樊守來門夜閉持節去憂惶懼

豐年歌

漢永建中泰山吳資元約為郡守屢獲豐年民歌之曰  
習習晨風動澍雨潤乎苗我后恤時務我民以優饒

去思歌

吳資遷去民人思慕又歌之曰

望遠忽不見惆悵嘗徘徊思澤實難忘悠悠心永懷

柳琮歌

益部耆舊傳云柳琮字伯騫蜀人為治中其所拔進皆  
世所稱鄉里為之語曰

得黃金一筭不如為柳伯騫所

金堂令歌六首為魯中丞大父題

吳國倫

謳乎其詠乎苞乎其什吾金堂令乎

其二

金堂令為我伐枳棘藝稻梁我鼓我腹飽且康胡以不相  
羊

其三

金堂令祝火火滅請雨雨應嗟其逝矣曷之思思異政

其四

曾侯挽不留父老將柩何以尸以祝廣漢之阿

其五

謂天無高孰瞻其靈於鑠藩垣侯之子孫

其六

謂天不邇孰介爾祉

之孫子

峽中行者歌

宜都山川記云峽中猿鳴至清山谷傳經冷冷不絕行

者歌之曰

巴東三峽巫峽長猿鳴三聲淚沾裳巴東三峽猿鳴悲猿

鳴三聲淚沾衣杜嗣美詩悲猿

刺李盛謹

孝桓帝時河南李盛仲和為郡守貪財重賦國人刺之

曰

狗吠何誼誼有吏來在門披衣出門應府記款得錢語窮

乞請期更怒及見尤旋步顧家中家中無可與思往從鄰信鄰

人以言遺錢錢何難得令我獨憔悴

巴郡謹

漢安帝時巴郡太守連失道國人風之曰

明明上天下土是觀帝選元后求定民安孰不可念禍福

由人願君奉詔惟德日親

河內謹

王渙為河內令商賈露宿人開門卧民歌之曰

王稚子代未有平徭役百姓喜

錦官楊柳日依依甲士旋歸聽采薇頗牧行知宣禁署萬  
年天子但垂衣

廉救度歌

漢書廉范字救度建初中為蜀郡太守舊制禁民夜作  
以防火災而更相隱蔽燒者日屬范乃毀削先令但嚴  
使儲水而已百姓為便乃歌之曰

廉救度來何暮不禁火民安作昔無襦今互袴

二節婦歌

永和中廣漢漢中羗反雲及巴郡有馬妙祈妻義王元  
愼妻姬趙蔓君妻華夙喪夫執其姜之節守一醮之禮  
號曰三貞遭亂兵迫匿懼見拘辱三人同時自沉于西  
漢水而沒死有黃鳥鳴其土處徘徊焉國人傷之乃水

詩曰

關關黃鳥爰集于樹窈窕淑女是繡是黼惟彼繡黼其心  
匪石嗟爾臨川邈不可獲

艷頰歌

梁簡文帝

艷頰大如馬瞿塘不可下金沙浮轉多桂浦忌經過鄭樵  
云天下水之險者惟蜀之瞿塘廣西桂浦此歌言行瞿  
者准艷頰行桂浦者准金沙也

艷與歌

孝子傳庾子興扶父柩過瞿塘六月水泛子興傳而遂  
平既過泛溢如故人歌之曰

艷與如牛本不通瞿塘水退為庾公艷興即艷頰字

灌令歌鍾玩良吏傳

崔瑗為灌令開溝畝田民賴其利歌曰

天降神明君賜我慈仁父臨民布德澤恩惠施以序穿溝  
廣溉灌决渠作甘雨

樊守歌益部耆舊傳

漢樊智遷為蜀郡太守秩滿民歌之曰

樊守來門夜開持節去憂惶懼

豐年歌

漢永建中泰山吳資元約為郡守屢獲豐年民歌之曰

習習晨風動樹雨潤乎苗我后恤時務我民以優饒

去思歌

吳資遷去民人思慕又歌之曰

望遠忽不見惆悵嘗徘徊思澤實難忘悠悠心永懷

柳琮歌

益部耆舊傳云柳琮字伯騫蜀人為治中其所拔進皆

世所稱鄉里為之語曰

得黃金一筭不如為柳伯騫所也

金堂令歌六首為魯中丞大父題

吳國倫

謳乎其詠乎苞乎其什吾金堂令乎

其二

金堂令為我伐枳棘藝稻梁我鼓我腹飽且康胡以不相

羊

其三

金堂令祝火火滅請雨雨應嗟其逝矣曷之思思異政

其四

曾侯挽不留父老將柩何以尸以祝廣漢之阿

其五

謂天無高孰瞻其靈於鑠藩垣侯之子孫

其六

謂天不邇孰介爾祉

之孫子

峽中行者歌

宜都山川記云峽中猿鳴至清山谷傳響冷冷不絕行

者歌之曰

巴東三峽巫峽長猿鳴三聲浹沾裳巴東三峽猿鳴悲猿

鳴三聲浹沾衣杜子美詩猿

刺李盛謚

孝桓帝時河南李盛仲和為郡守貪財重賦國人刺之

曰

狗吠何誼誼有吏來在門披衣出門應府記款得錢語窮

乞請期吏怒反見尤旋步顧家中家中無可與思往從鄰貸鄰

人以言遺錢錢何難得令我獨樵悴

巴郡謚

漢安帝時巴郡太守連失道國人風之曰

明明上天下土是觀帝選元后求定民安孰不可念禍福

由人願君奉詔惟德日親

河內謚

王渙為河內令商賈露宿人開門卧民歌之曰

王稚子代未有平徭役百姓喜

龍床灘謚圖經

龍床如拭濟舟必吉龍床彷彿濟舟必沒

先民謚 秦文傳引

岷阜之山江出其腹帝以會昌神以建福

大饑不饑蜀有蹲鴟大旱不亂蜀有廣漢此四句見古碑

後漢時蜀中童謚

後漢世祖建武六年公孫述僭號於蜀以王莽稱黃述

欲繼之故稱白五銖漢家貨明當復也

黃牛白腹五銖當復

行類

新都行

歐陽詹

縹緲空中絲蒙籠道傍樹翻茲葉間吹惹彼花上露悠揚

絲意去苒蕪花枝住何計脫纏綿天長春日暮

石笋行

杜甫

君不見益州城西門陌上石笋雙高蹲古來相傳是海眼

苔蘚蝕盡波濤痕雨多往往得瑟瑟此事恍惚難明論恐

是昔時卿相墓立石為表今仍存惜哉俗態好蒙蔽亦如

小臣媚至尊政化錯迕失大體坐看傾危受厚恩嗟爾石

笋擅虛名後來未識猶駭奔安得壯士擲天外使人不疑

見本根

石笋行

杜甫

君不見秦時蜀太守刻石立作三犀牛自古雖有厭勝法

天生江水向東流蜀人矜誇一千載泛溢不近張儀樓今

年灌口損戶口此事或恐為神羞終藉隄防出衆力高擁



木石當清秋先王作法皆正道詭怪何得衆人謀嗟爾三  
犀不經濟缺訛只與長川逝但見元氣常調和自免洪濤  
恣彫瘵安得壯士提天綱再平水土犀奔茫

古栢行

杜甫

孔明廟前有老栢柯如青銅根如石霜皮溜雨四十圍黛  
色參天二千尺君臣已與時際會樹木猶為人愛惜雲來  
氣接巫峽長月出塞通雪山白憶昨路繞錦亭東先主武  
侯同閔宮崔嵬枝幹郊原古窈窕丹青戶牖空落落盤路  
難得地冥冥孤高多烈風扶持自是神明力正直元因造  
化功大厦如傾要梁棟萬牛迴首丘山重不露文章世已  
驚未辭剪伐誰能送苦心豈免容螻蟻香葉終經宿鸞鳳  
志士幽人莫怨嗟古來材大難爲用

前峰突出花牌樓一時剽盡無奔投長蛇封豕非我類精  
屍寧惜堆山丘喻家元惡脫羅網更遣遊軍密搜訪除殘  
羽翼豈能全頃刻提元出林莽從茲擊壤歌太平乾坤再  
造流芳名豈徒川人樂生業九重四海俱康寧君不見周  
公篤棊輔成王制禮作樂安周邦一朝狼跋平大難缺斨  
破斧徂東山又不見仲尼木鐸方振揚回琴點瑟諧宮商  
忽然兩觀動缺鉞魯邦大治真非常古來聖賢且全德文  
武兼能與時適陽舒陰慘歲功成雨潤雷轟物華折我聞  
彭公持憲節和氣春風滿東浙今朝戡亂成大勳只是全  
才變施設幾年荆棘迷山城于今始得通衢行月明黃犬  
臥蒼隄東風柳巷縲車鳴山川社稷復安奠何異坳墻倚  
禎幹頌揚公德豈吾私愧乏新詩續江漢我有一張琴數

年不撫塵埃侵何時抱持入門下細彈賡和高山音我有  
三尺刀犬羊絕迹空懸腰欲携當前試一舞防危不爲承  
平驕憶昔藍鄔變初作燭火消流勢尤弱二三文武守通  
江百萬兵師來繹絡大龍山前角一聲倉皇渡水先居民  
顛狂百態爲風疾壁山一騎飛紅塵幸賴諸公葺干櫓龍  
灘赴死寧足數當年若或無此功城郭人民盡灰土君恩  
浩蕩江海深崇階厚祿何爲情力窮尚欲冒死戰豈有束  
手逃其生此曹義理具不識一時避難何裨益混池初開  
天地分至今誰是長生客朝廷公道方大明人臣肯負據  
忠誠加封蔭厚沐恩寵更有青史儲金滕微生自信寡才  
力眼底猶能分黑白忠臣孝子一念均莫謂虛言浪拋擲  
仰觀北斗天上懸編裳寧復來西川老泉數語有真見明

良更讀苞桑篇柳陰蟬聲滿周道牧笛風前弄清調此時  
奏凱悅人情隔岸荷花相笑攀轅臥轍亦徒爾九重屨  
目西南裏狂歌自謂採風未卜旁收獻天子

孝津行

楊慎

岷山青蟠空下映捷爲江江濱有孝娥自名叔先雄娥父  
爲功曹冉冉趨府中泛舟越洪濤捐軀以凶終娥也痛父  
死臨淵矢相從練囊封口几臂珠環係兒躬寄言與兒別  
去不再逢寧假雷鼉梁生上下蛟龍宮川后垂玄鑒江妃憐  
丹衷死抱父屍出依泊葶花叢戚黨悲復感閭里唁且闕  
風誼動今古廟貌森穹崇文紀與令伯祠墓相西東解使  
捷爲縣永作忘孝邦岷之山石可泐捷之江波可竭千秋  
菊兮萬春蘭孝娥之名焉可滅

戎平行并序

趙貞吉

序曰聖人作而西戎敘乃自古包之矣夜師特犒健為  
 越舊諸郡沅浩瀘江青衣之志分而最御萬項梗之煩有  
 忽雖同覆都發其未矣按地志都寔在敘郡六縣之界  
 司之鐵則喜疏頃都我民惡稔不奉警戢其者速秋南  
 語具蜀臣奏疏頃都我民惡稔不奉警戢其者速秋南  
 旨謹罪無不震懼其地所謂聖人作而西戎敘乃自古包  
 著曰平蠻之功餘年間警夫自寧檄不開此醜類未亦  
 十歲嘉靖以來德時合六縣警夫自寧檄不開此醜類未亦  
 又兩舉矣在來核家俱當負失利之罰而感邑井  
 皇命而西川之功為表著者由公知而道又復知兵也夫  
 是役也寧圍克師中乃整宣捷師之恩而朝野皆感德不  
 冉舉舊臣宜為之頌代客又曰當為碑德曰或神  
 此有復者非予可代客又曰當為碑德曰或神  
 海之倫執簡打離亦非予可代客又曰當為碑德曰或神

小序曰夫職也其行風賦之辭乎乃作我邦士也昔辭  
 鞭可驅祗雅參軍宿順今途中制變之計而事出實錄文  
 不加之點可謂奇又奇公之不成與予同於斯乎客讀詩  
 藻頌謝曰壯哉碑任斯矣詩六  
 聖治昌徵戎美戎底平四海寧萬曆改元未踰年西戎亂  
 者曰都蠻明年授鉞都御史曾公楚材生

帝里鳳稜霜額岳岳祖暑專征類諸葛九謀五間一日  
 作都蠻聞之膽先落膽已落猶聚謀九絲凌霄堅莫愁糧  
 糗足備三年求他山之石皆貌貅劉郭之族溪淫霧毒難  
 淹留言未畢大兵至山下火响千霹靂奪險燒積網羅迷  
 空中忽起九雲梯天兵真從天上來烏雲龍虎何雄哉鴈  
 陽秋蠻人憂月之望凌霄上月之晦九絲清掃除鉄城如

拉枯戈取震阿如匹雛提挾二將同平吳捷書飛報端門  
廬

皇情悅豫

兩宮愉宣捷 廟告群卿趨

皇帝萬壽同克符克國五十先渠胥臣勞君逸爲唐虞  
恩自天公偃軀微臣報國敢此需墾田拓地千里租棘荆  
捶成羶糴輸萬家烟火坤之隅蠻平待公來何遲噫嘻蠻  
平待公來何遲再說英豪出有時上客爲予立斯頌已未  
大王索材旁午公令富順受約大府率卒數百深入上阻  
遇蠻劫縣咆哮如堵殺人剖肝拆屋以煮公曰且止予以  
計取令卒垂手各偃其斧乍出乍沒散入岷岵賊疑兵壓  
又恐伏拒倉皇乞降斷頭于蔓花劍未恕關馬未武二監

之首已落如杵公笑啞啞棄置草莽天人合發殺機先露  
去十五稔來墾其土前已周郎今更上父公來討蠻滅不  
待卜不待卜神告亡圍中有物憑枯楊美要眇兮稱雲郎  
自云祖是諸葛遺青卷邇來千五百歲擊葛之鼓臨疆場  
諸侯竹立者敢窺垣一方柰何不戒烏能讓爾不聞今之  
開府奇才十倍卧龍翁鳳誰能當三千幕客皆干將佩干  
將騎駮耳彼都人士何方子一身五用穿雲度水袖中三  
式吞子壘枯楊忽倒神已逝神旣逝兮賊如殪賊如殪兮  
石不厲石不厲鼓聲死腥風飄蕭吹揚起夜半無人問山  
鬼嗚呼天生天殺聖無知英雄樹立信有期賦公以卜安  
所施特勞勇智來率師恭承我  
皇三無私動合天道真男兒誰作頌德陳功詩老夫但採

風人遺要與三川史祝竹枝巴俚世世同歌思

出塞行贈劉草堂元帥

馮成能

紫微樞極天之網上將元居帝座傍天公爲與落挽捨神  
人被髮下大荒勇畧積威世莫比手提豐城三尺水弱冠  
曾請西川纓膽落旆裘泣山鬼橫戈躍馬淮海東寨旗斬  
將聘豪雄自是聲名滿天下白袍飛將乘雲龍秉鉞元戎  
鎮海島妖氛掃盡鮫門曉有時水底戮鯨鯢有時雲中射  
飛鳥一朝天風吹海立鰲觸城頽婦子泣將軍仗劍拒潮  
東海出桑田民始粒長城九載樹洪勲忽爲黔陽借寇君  
羅施鬼首悉交臂夜郎推髻殲千群蠡爾黠蠻胡匪茹天  
險九絲豺虎據年來殺人若草菅父老哀向天門訴聖皇  
赫怒下九域簡書推較自天來將軍受命處秉鉞指揮叱

叱生風雷號令繳如白日光青天六月飛胡霜滂催諸葛  
剪羽翼先施神策繫名王虎翼龍蟠營細柳萬灶千屯燦  
星斗秋風颯颯草木黃雨霧茫茫玉重九夜半縱兵入趙  
壁忽自中天轟霹靂烈炬騰空劍戟飛殺氣紅光亂相射  
禽蒐草雞亂鴻毛懸崖絕塞皆土焦材官獻賊手馳驟築  
得京觀若山高君不見嫖姚車騎破匈奴祁連焉支起胡  
歌又不見據鞍矍鑠馬伏波五溪銅柱壯山河將軍志氣  
本雄傑精忠須學漢諸葛南荒聲教盡越裳鐵騎踏破賀  
蘭關歸來奏凱拜冕旒君王爲賜紫貂裘鳴玉登壇符四  
七燕飲麟閣名悠悠

錦江行贈陸子使蜀

王維楨

君不見濯錦江中錦爲水形勝冠絕西南州遠勢逶迤作

字轉清波激澗帶花流蜀女濯錦錦為燦水之奇異殊足  
嘆安得臨流一玩之令我胸中生錦瀾錦瀾星橋萬里餘  
使君今乘駟馬車琴臺夕訪相如調草閣朝尋揚子盧揚  
馬千年俱已矣只今惟有錦江水君飲江水餐江芷期君  
文章亦如此人言君行解網羅君行猶自費吟哦峽樹時  
聽啼血鳥渚風遙遞竹枝歌歲晚看君西南鶩到時雪滿  
錦江路  
錦城曲  
溫廷筠

蜀山留晴雪簌簌芽紫九折江風吹巧剪霞綃花  
上十枝杜鵑血杜鵑飛入巖下叢夜叫思歸山月中巴水  
深情情不盡文君織得錦機紅怨魄未歸芳草死江頭  
種相懸十樹成寄與望鄉人白帝荒城在下里

織錦曲

王建

大女身為織錦戶名在縣家供進簿長頭起樣呈作官  
道官家中苦難回花側葉與人別唯恐秋天線線乾紅樓  
歲蕤紫茸軟蝶飛參差花宛轉一梭聲盡重一梭玉腕不  
停羅袖卷窻中夜久曙髻偏橫釵欲墜出着有合衣卧時  
參沒後停燈起在鷄鳴前一匹千金亦不賣限日未成官  
責怪錦江水涸貢轉多官中盡著單絲羅莫言山積銀盡  
日百尺高樓一曲歌

成都曲

張籍

錦江近西煙水綠新兩山頭荔枝熟萬里橋邊多酒家遊  
人愛向誰家宿

蜀道篇

郭祥止

長吟李白蜀道難蜀道之難難於上青天長蛇并猛虎殺人吮血毒氣何腥膻錦城雖樂不可到側身西望泣涕空漣漣其辭辛酸語勢險有如曲折頓挫萬丈之洪水世人  
不識寶玉璞每欲酬價齊刀鈔求之往古疑未有惜哉不  
經孔子之于加鏡鑄公今易節帥蜀國為公重吟蜀道篇  
旌旗翻空度劍閣甲花照雪參林顛雲龍連雅谷聲碎雲  
角慢引斜陽懸竹馬爭迎舊令尹指公長髯皓素非往年  
蜀道何坦然和氣拂拂回星躔長蛇深潛猛虎伏但愛雄  
飛呼雌響亮調朱弦時乎樂哉公之往也九重深拱堯舜  
聖廟堂論道立軻賢撫綏斯民賴良守平平政化公能宣  
秉兵興學有源本何必早夜開華筵嘗聞家家賣金釧只  
待看舞青春前此風不革久愈薄稔歲往往成凶年意呼

嗚今我無匹馬安得從公遊盡書政績來中州獻之明堂  
付太史陛下請指西顧憂

費烈女吟

劉堪

永康費氏女年少十八九擇對無可人真心似瓊玖禮法  
以防身絲麻常在手至正十七載太歲次丁酉逆賊從東  
來旌旗搖壯斗三巴數十城皆降不敢後唐姬與姜氏不  
漸為賊禍費女涕泣悲勤勤告父母人生棄禮義猪狗亦  
何有我身不如賊我死骨不朽夜深盛容飾自縊後園柳  
高義感行人痛心而蹙首平章買奴者左丞韓叔亨低頭  
奴屈膝拜賊乞餘生不能受白刃空負朝廷恩莽莽天壤  
間生死義與仁太山與鴻毛孩提知重輕費女生草野烈  
烈起允倫二公國柱石棄甲如輕塵芳名與污跡遺戒千

百春

巫山十二峯詞

趙孟頫

疊嶂千重碧長江一帶清瑤壇霞冷月朧明歌枕若為情  
雲過船窻曉星移宿霧晴古今離恨撥難平惆悵峽猿聲

右淨壇峯

片月生危岫殘霞拂翠桐登龍峯下楚王宮千古感遺蹤  
柳色眉邊綠花明臉上紅欲尋靈跡阻江風離思杳無窮

右登龍峯

松鶴堆嵐隔陽臺枕水湄風清月冷好花時惆悵阻佳期  
別夢遊蝴蝶離歌怨竹枝悠悠往事不勝悲春恨入雙眉

右古鶴峯

雲裏高唐觀江邊楚客舟上昇峯月照妝樓離思兩悠悠

雲雨千重阻長江一帶秋歌聲頻唱引離愁光景恨如流

右上昇峯

絕頂朝雲散寒江暮雨頓楚王宮殿已成塵過客轉傷神  
月是巫娥伴花為宋玉隣一聽歌調一含嚔哀怨竹枝春

右朝雲峯

雨過蘋汀遠雲深水國遙渡頭齊舉木蘭棹纖細楚宮腰  
暎水勻紅臉偎花整翠翹行人倚棹正無聊一望一鳧銷

右集仙峯

碧水鴛鴦浴平沙荳蔻紅望霞峯翠一重重帆卸落花風  
澹薄雲籠月霏微雨灑蓬孤舟晚泊浪聲中無處問音容

右望霞峯

為藥空投贈丁香灣結愁鳳樓鴛鴦去兩悠悠新恨怯逢秋



山色驚心碧江聲入夢流何時弦管簇錦舟蘭棹泊沙頭  
右樓鳳峯

碧水澄青黛危峯聳翠屏竹枝歌怨月三更別是斷腸聲  
煙外黃牛峽雲邊白帝城扁舟清夜泊蘋汀倚棹不勝情  
古翠屏峯

鶴信三山遠羅裙片水深高唐春夢杳難尋惆悵至如今  
十二峯前月三千里外心紅牋錦字信沉沉腸斷舊香金  
石聚鶴峯

曉色飄紅豆平沙枕碧流泉聲雲影弄新秋觸處是離愁  
臉淚橫波淡眉攢片月收佳人無咲準難休來整玉搔頭  
右望泉峯

梟鄉江邊柳飄飄嶺上雲卸帆迴棹楚江濱歸信夜未聞  
七言絕句類

早發白帝城  
李白

朝辭白帝綵雲間千里江陵一日還兩岸猿聲啼不盡扁  
舟已過萬重山  
贈花卿  
杜甫

錦城絲管日紛紛半入江風半入雲此曲祇應天上有人  
間能得幾回聞  
江畔獨步尋花七絕  
杜甫

江上被花惱不徹無處告訴只顛狂走覓南鄰愛酒伴經  
旬出飲獨空林  
稠花亂葉裹江濱行步歌危實怕春詩酒尚堪驅使在未  
須料理白頭人

頂料理白頭人

頂料理白頭人

頂料理白頭人

頂料理白頭人

江深竹靜兩三家多是紅花映白花報春春光知有處應

少坊花滿煙百花高樓更可憐誰能載酒開金盞  
取佳人舞繡筵

黃師塔前江水東春光懶困倚微風桃花一簇開無主可

愛深紅映淺紅  
黃四娘家花滿蹊千朵萬朵壓枝低留連戲蝶時時舞自

在嬌管恰恰啼  
不是愛花即欲死只恐花盡老相催繁枝容易紛紛落嫩

葉商量細細開  
漫興九首  
隔戶楊柳弱嫋嫋恰似十五女兒腰誰爲朝來不作意狂